

東醫西寶鑑

卷十八



訂正東醫寶鑑雜病篇卷之六

東醫勤貞亮扈

聖功臣崇祿大夫陽平君臣許浚奉

教撰

積聚

積聚之因

靈樞曰喜怒不節則傷臟臟傷則虛風雨襲虛則病起於上留著於脉稽門不去息而成

積。著於陽明之經則挾臍而居飽食則益大飢則益小。著於緩筋也以陽明之積飽食則痛飢

則安飢則痛。著於膂筋在腸後者飢則積見飽則安飢則痛。著於膂筋在腸後者飢則積見飽

則積不見按之不得。清濕襲虛則病起於下積之始生得寒乃生厥乃成積厥氣生足挽足挽生

脛寒脛寒則血脉凝澁血脉凝澁則寒氣上入於腸胃入於腸胃則膜脹膜脹則腸外之汁澁積聚

不得散日以成積。卒然多飲食則脹滿起居不節用力過度則陽絡脉傷陽絡傷則血外溢陰絡

傷則血內溢血內溢則後血謂後血也腸胃之絡傷則血溢於腸外腸外有寒汁沫與血相傳則并合凝聚不得散而積成矣。帝曰人之善病腸中積聚者何以候之少俞答曰皮膚薄而不澤肉不堅而淖澤如此則腸胃惡惡則邪氣留止積聚乃成腸胃之間寒温不次邪氣稍至蓄積留止大聚乃起。內經曰寒氣客於小腸膜原之間絡血之中血澁不得注於大經血氣稽留不得行故宿昔而成積矣。

論五積六聚

病有積有聚何以別之然積者陰氣也聚者陽氣也故陰沉而伏陽浮而動氣之所

積名曰積氣之所聚名曰聚積者五臟所生聚者六腑所成積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故以是別知積聚難經。病有積有聚有聚氣何謂也師曰積者臍病也終不移聚者臍病也發作有

時展轉痛移為可治瘵氣者脇下痛按之則愈復

發為瘵氣仲景○肝之積名曰肥氣在左脇下如

覆盃有頭足久不愈令人發咳逆方云脇痛瘵瘡

連歲不已○心之積名曰伏瘵如瘵之橫架心下

起臍上大如臂上至心下久不愈令人煩心○脾

之積名曰痞氣在胃脘稍右在胃脘覆大如盤一

作孟久不愈令人四肢不收發黃疸飲食不為肌

膚○肺之積名曰息賁喘息奔而上行也在右脇

下覆大如孟久不已令人洒淅寒熱喘咳發肺癰

○腎之積名曰奔豚若豚之奔衝發於小腹上至

心下若豚狀或下或上無時久不已令人喘逆骨

痿少氣難經○肝積面青脉弦而長一作細定在

左脇下○心積面赤脉數而實定在心下○脾積

面黃脉大而虛一作沈而實心在中脘○肺積面

白脉數而浮定在右脇下○腎積面黑脉

寸口大實一作沈而急定在小腹綱目

伏梁有二證

帝曰病有小腹盛上下左右皆有根此為何病可治否岐伯曰病名曰伏梁裹大膿

脉法

血居腸胃之外不可治治之每切按之致死。帝
 曰人有身體髀股胛皆腫環臍而痛是為何病岐
 伯曰病名伏梁此風根也其氣溢於大腸而著於
 肱肱之原在臍下故環臍而痛不可動之動之為
 水尿澀之病此二病

同名而實異也 內經

鬱脉多沈伏或結或促或代 正傳。鬱脉沈瀆積

脉弦堅 丹心。病在右脇有積氣得肺脉結結甚

則積甚結微則積微肺脉雖不見右手脉當沈伏

難經。心肺有積其脉皆喘數肝有積其脉弦長

臍腎有積其脉皆大 綱目。脉弦緊為積脉弦緊

而微細者癥也夫癥瘕積聚之脉皆弦緊在心下

即寸弦緊在胃腕即關弦緊在臍下即尺弦緊。

內有積不見脉難治見一脉相應為易治。診積

聚其脉堅強急者生虛弱者死。脉弦而伏者腹

中有癥不可轉也必死不治 脉經。五藏為積六

府為聚積在本位聚無定處駛緊浮牢小而沈實

或結或伏為聚為積實強者生沈沈小者死 脉訣。

五積屬陰沈伏附骨肝弦心扎腎沈急滑脾實且長肺浮喘卒。六聚結沈痼則浮結。又有癥瘕其脉多弦弦急瘕疾弦細癥堅。沈重中散食成瘕左轉沈重氣癥胃前若是肉癥右轉橫旋。積聚癥瘕緊則痛纏虛弱者死實強可痊。腹中有積脉忌虛弱。診婦人疝瘕積聚之脉弦急者生虛弱小者死。脉經。

六鬱為積聚癥瘕疝癖之本

氣血冲和百病不生一有佛鬱諸病生焉鬱者病結

不散也

丹心

○熱鬱而成痰痰鬱而成癖血鬱而

成癥食鬱而成痞滿此必然之理也。○又氣鬱而

溼滯溼滯而成熱熱鬱而成痰痰滯而血不行血

滯而食不消化而遂成痞塊此六者相因而為病

也

正傳

○鬱者結聚而不得發越也當升者不得

升當降者不得降當變化者不得變化也此為傳

化失常六鬱之病見矣

丹心

○一日氣鬱二日溼

鬱三日熱鬱四日痰鬱五日血鬱六日食鬱此六

鬱也六鬱不言風寒者風寒鬱則為熱故也丹心

○治鬱之法順氣為先降火化痰消積分多少而

治蒼朮蕪芎總解諸鬱丹心○內經曰木鬱達之

火鬱發之土鬱奪之金鬱泄之水鬱折之張子和

曰木鬱達之謂吐之令其條達也火鬱發之謂汗

乏令其疎散也土鬱奪之謂下之令無壅碍也金

鬱泄之謂滲泄解表利小便也水鬱折之謂抑之

制其衝逆也此治五鬱之大要耳正傳○諸鬱通

用六鬱湯麩麩丸麩麩保

和丸加味麩麩丸諸方

六鬱湯

通治六鬱香附子二錢川芎蒼朮各一錢半
陳皮半夏製各一錢赤茯苓梔子仁各七分

縮砂甘州各五分右剉作一貼薑三水煎服丹心

○氣鬱加木香檳榔烏藥紫蘇葉○溼鬱加白朮

羌活防己○熱鬱加黃連連翹○痰鬱加南星瓜

萸仁海粉○血鬱加桃仁牡丹皮韭汁○食鬱加

山楂子神麩○六鬱湯

麥芽入門

六鬱湯 開諸鬱火便香附蒼朮神麴梔子連翹陳皮
川芎赤茯苓貝母枳殼紫蘇葉各一錢甘草

五分右剉各一點貼
薑三片水煎服

麩麴丸 解諸鬱蒼朮便香附川芎神麴炒梔子炒各
等分右為末水和丸如菜豆大溫水下七丸

十丸研。麩麴也細麴丸二名芎朮丸凡願欲不
遂加寡婦僧道之類名利不遂或先富後貧或久

病不愈者皆
宜服此

麩麴保和丸 開鬱行氣消積散熱白朮三兩山楂肉
二兩蒼朮川芎神麴炒便香附陳皮半

夏白茯苓枳實黃連酒炒當歸酒先各一兩梔子
炒連翹蘿蔔子炒水香各五錢右為末薑汁泡蒸

餅和丸梧桐子大
薑湯下五十九

加味麩麴丸 解諸鬱開胸膈進飲食蒼朮泔浸薑汁
炒蕪芎便香附神麴炒梔子炒各四兩

陳皮去白白朮炒黃芩炒各一兩半山查肉蒸二
兩右為末稀粥和丸梧子大白湯下五六十九醫鑿

鬱胸滿脇痛脉沉澁宜用香附蕪荳蔻蒼朮○宜服
木香調氣散解鬱調胃湯麩麩丸○二陳湯煎水

吞下交感丹
○方入神門

鬱周身關節走痛首如物蒙足重遇陰寒便發脉沉
濡宜用蒼朮川芎白芷赤茯苓○宜服滲濕湯

散○方入平胃
散○方入觀

熱鬱目蒙口乾舌燥小便赤濁脉沉數宜用青黛香附
蒼朮川芎梔子○宜服升陽散火湯火鬱湯○宜服

並見火門

痰鬱

胸滿動則喘急起臥怠惰寸脉沉滑宜用海石香
附子瓜蒌仁南星○宜服瓜蒌枳殼湯升發二

湯陳

血鬱

四肢無力能食小便淋大便紅脉沈芤澁宜用桃
仁紅花青黛川芎香附子入門。宜服生韭飲順

氣文當歸

活血湯

食鬱

噫酸惡食黃疸鼓脹痞塊脉氣口緊盛宜用蒼朮
香附山查子神芩鉞砂醋炒入門。宜服香砂平

胃散散

鬱湯

木香調氣散

治氣鬱烏藥香附枳殼青皮陳皮厚朴
蕪荈蒼朮各一錢木香縮砂各五分桂

皮甘艸各三分右剉作一

貼薑三片水煎服回春

解鬱調胃湯

治氣分之火壅遏於中時作刺痛皆由
怒憂思慮勞心所致也梔子鹽水炒當

歸酒洗各一錢二分白朮陳皮白茯苓各一錢赤

芍藥酒浸生乾地黄酒洗薑汁炒香附米各八分

神芩炒麥芽炒各七分川芎六分桃仁庄甘

艸各四分右剉作一貼薑三片水煎服回春

瓜蒌枳殼湯

治痰鬱瓜蒌仁枳實桔梗川芎蒼朮香附杏仁片苓酒炒貝母炒陳皮各一錢

縮砂木香各五分甘艸三分右剉作一貼水煎入竹瀝薑汁調服

回春

升發二陳湯

治痰鬱半夏二錢陳皮蕪芎赤茯苓各一錢半柴胡防風升麻甘艸各一錢右

剉作一貼入薑三片煎服入門

生韭飲

治血鬱胃院有瘀血作痛生桃仁七箇連皮細嚼以生韭汁一盞送下即效

回春

順氣丸

治血鬱香附子八兩以童便浸晒乾為末以粟米糊和丸服

綱目

當歸活血湯

治血鬱當歸赤芍藥川芎桃仁各一錢牡丹皮香附子烏藥枳殼青皮各八分

紅花五分桂皮乾薑炮甘艸各三分右剉作一貼入薑三木煎服

回春

香砂平胃散

治食鬱蒼朮厚朴陳皮便香附各一錢山查肉縮砂枳殼麥芽神麩乾薑木香

各五分甘州炙二分右剉作一貼入
薑三蘿蔔子炒研一撮煎服 同春

散鬱湯

治食鬱陳皮赤茯苓各一錢半蒼朮白芍藥
川芎梔子各一錢二分枳殼香附各一錢甘

州五分右剉作一貼入薑三煎服。鬱則胃熱鬱
散則上焦行下脘通水穀之陰自滋沛身中之陰

氣自生
矣丹心

痞塊積聚所屬部分

凡痞塊積聚在中為痰飲。在右
為食積。在左為血積。丹心。夫

左為血塊右為食積中為痰飲此言誠然夫左關
肝膽之位主藏血液右關脾胃之位主藏飲食中
間則為水穀出入之道路所以左為血
塊右為食積中為痰飲其理昭然 丹心

痞塊證治

塊是有形之物氣不能成塊乃痰與食積成
血也宜用化塊丸 丹心。凡痞塊在皮裏膜

外俱宜二陳湯加補氣行氣藥先須斷厚味 丹心
○治塊當降火消食積 即痰也 行次血塊去後須

大補之丹心。○凡婦人有塊多屬瘀血丹心。○痞

塊一名癥瘕其不能移動者是癥塊也或有或無

或上或下或左或右者是瘕塊也俱用潰堅湯丸

為主丹心。○脇下有塊宜當歸龍薈丸方見五藏

加桃仁薑黃各一兩蜜丸服之入門。○驚氣成塊

者妙應丹方見痰飲加穿山甲炒鱉甲燒各三錢

玄胡索蓬朮各四錢每服五七十丸以利為度調

目。○痞塊宜用連蘿丸消塊丸加味柴平湯消積

保中丸開懷散柴香散保和丸化痞丹兼用膏藥

外貼之諸方。○凡腹中有塊不問積聚癥瘕俱為

患候切勿視為尋常若脹滿已成胃腹鼓

急雖倉扁復生亦其能收其萬一也正傳

化塊丸

治痞塊及血塊海粉酒煮三稜蓬朮並醋煮
紅花桃仁五靈脂香附子各一兩石礫五錢

右為末醋糊和丸梧子大

白朮湯下三五十丸丹心

連蘿丸

治食積成血痰飲成塊在兩脇作痛雷鳴嘈
雜眩暈黃連一兩半取一半以吳茱萸五錢

同炒去茱萸一半以益智五錢同炒去益智白芥
子蘿蔔子並炒各一兩半梔子川芎三稜蓬朮桃
仁香附子山查肉神麩各一兩青皮五錢右為末
蒸餅和丸梧子大白湯吞下五六十丸 入門○一

名白芥丸 入門今
名消積丸 俗方

消塊丸

治痞塊癥瘕大黃四兩硝石三兩人參甘州
各一兩半右為末陳醋三升置磁器內先納

大黃煎不住手攪使微沸盡一升下餘藥末熬至
可丸則丸如梧子大米飲下三十丸當利如雞肝

惡物 入門○一
各硝石丸 下金

加味柴平湯

治積塊有熱柴胡黃芩半夏蒼朮厚朴
陳皮山查肉青皮枳殼神麩三稜蓬朮

各七分甘州五分右剉作一
貼入薑三棗二水煎服 回春

消積保中丸

散痞除塊白朮土炒三兩陳皮去白二
兩半夏身茯苓香附醋炒蘿蔔子炒白

芥子炒神麴炒黃連薑汁炒梔子薑汁炒各一兩
 檳榔七錢蓬朮三稜並醋炒各八錢麥芽炒六錢
 乾漆炒五錢青皮香油炒縮砂炒各四錢木香阿
 魏各三錢右為末以薑汁酒糊和丸梧子大白湯
 下八一
 丸 醫鑒

開懷散

治心下積塊痞悶或發熱柴胡州豆蔻各一
 錢三稜蓬朮並醋炒青皮陳皮半夏白茯苓

香附子檳榔枳實紅花甘州各七
 分右剉作一貼薑三煎服 醫鑒

柴香散

治心腹有氣一塊略通或膨脹寒熱枳實地
 骨皮三稜蓬朮各一錢柴胡黃芩各七分赤

芍藥厚朴香薷黃連玄胡索各五分
 甘州三分右剉作一貼水煎服 醫鑒

保和丸

治一切飲食所傷及積聚痞塊久服自消白
 朮五兩陳皮干夏茯苓神麴山楂肉各三兩

連翹香附子酒炒厚朴蘿蔔子炒各二兩枳實麥
 芽黃連酒炒黃芩酒炒各一兩右末薑汁糊和丸

梔子大茶清下
五七十丸 醫鑒

化痞丹

消積塊專攻之劑大黃四兩醋浸七日日晒
夜露又七日穿山甲土炒二兩木鱉子去油

香附子便浸炒桃仁各一兩紅花二錢青黛五分
右為末將大黃和好醋煮為糊和丸菉豆大茅根

葛根煎湯下五

七十丸 回春

積聚治法

治積當察其所痛以知其病有餘不足可補
可瀉無逆天時詳藏府之高下如高者越之

結者散之客者除之留者行之堅者削之強者奪
之鹹以溼之苦以瀉之全真氣藥補之隨所利而

行之節飲食慎起居和其中外可使必已
凡積病不可用下藥徒損真氣病亦不退當用消

積藥使之融化則自消除根矣
聚有化積消積換積磨積而無下積之說蓋不可

直便取下以傷胃氣也
損真氣積亦不去奔豚尤不可吐五積古有五方

今增損五積丸更妙 入門。內經曰破積用毒藥
衰其大半而止藥凡大積大聚消其大半乃止藥
過劑則成原垣。肝積用肥氣丸。心積用伏梁
丸。脾積用痞氣丸。肺積用息賁丸。腎積用
奔豚丸。六聚宜用散聚湯香稜丸大七氣湯大
阿魏丸大安丸入門。積初為寒宜辛溫消導大
七氣湯烏白丸阿魏丸。久則為熱宜辛寒推蕩
木香檳榔丸方見氣門通玄二八丹消塊丸入門
○治積要法大抵以所惡者攻之所喜者誘之則
易愈。如礪砂水銀治肉積。神麩麥芽治酒積
○水蛭蚘虫治血積。木香檳榔治氣積。牽牛
甘遂治水積雄黃膩粉治痰積。礪石巴豆治食
積各從其類也本事。又云三稜蓬朮治血積香
附枳實治食積山楂阿魏治肉積海粉礪石治痰
積雄黃白礬治虫積乾薑巴豆治寒積黃連大黃
治熱積丹心。五積六聚通用增損五積丸消積
正元散肥氣丸伏梁丸痞氣丸息賁丸奔豚丸又
有奔豚湯散聚湯香稜丸大七氣湯潰堅湯潰堅

丸真人化鐵湯 諸方。宿血滯氣凝結為癥瘕腹中痞塊堅硬作楚當以破氣藥伐之或以類相從如敗梳治風癩銅屑治龍癩麩

藥治米瘕石灰治髮瘕 得效

增損五積丸

通治五積。黃連肝積五錢脾腎積七錢心肺積一兩半。厚朴肝心脾積五

錢脾腎積八錢。川烏肝肺積一錢心腎脾積五

分。乾薑肝心積五分肺脾腎一錢半。人參肝

心脾肺積二錢腎積五分。茯苓一錢半。巴豆霜

五分右為末蜜丸梧子大初服一丸漸加以微瀉

為度治積塊不拘臍上下左右通用。如肝積加

柴胡一兩川椒四錢蓬朮三錢皂角昆布各二錢

半。心積加黃芩三錢肉桂茯苓神丹參各一錢苴

蒲五分。肺積加桔梗三錢天門冬青皮陳皮白

豆寇各一錢紫苑川椒各一錢半。脾積加吳茱

萸黃芩縮砂各二錢澤瀉茵陳各一錢川椒五分

。腎積加玄胡索三錢苦練肉全蝎附子獨活各

一錢澤瀉萹蒲各二錢肉桂三分丁香五分 入門

消積正元散

治痰飲氣血鬱結食積氣不升降積聚
脹痛白朮一錢半神麴香附枳實玄胡

索海粉各一錢赤茯苓陳皮青皮縮砂麥芽炒山
植肉甘州各七分右剉作一貼薑三水煎服○一

名開鬱正元散

無枳實有桔
梗○入門

肥氣丸

治肝積柴胡一兩黃連七錢厚朴五錢川椒
四錢甘州三錢蓬朮人參昆布各二錢半阜

角白茯苓各一錢半乾薑巴豆霜各五分川烏二
分右為末蜜丸梧子大初服一丸日加一九二日

加二丸至大便澆便漸減服

周而復始塊減半勿服 正傳

伏梁丸

治心積黃連一兩半厚朴人參各五錢黃芩
桂枝茯苓神丹參各一錢乾薑菖蒲巴豆霜川

烏各五分紅豆蔻二分右為末蜜丸

梧子大黃連湯下服如上法 正傳

痞氣丸

治脾積黃連八錢厚朴四錢吳茱萸三錢黃
芩二錢縮砂一錢半白茯苓人參澤瀉各一

錢茵陳乾薑各一錢半川烏川椒各五分桂皮
豆霜各四分白朮二分右為末蜜丸梧子大甘州

湯下服如
上法 正傳

息賁丸

治肺積黃連一兩三錢厚朴八錢川烏桔梗
白茯苓川椒紫苑各一錢半青皮巴豆霜各五分

右為末蜜丸梧子大薑湯吞下服如上法 正傳

奔豚丸

治腎積厚朴七錢黃連五錢川鍊子三錢白
茯苓澤瀉菖蒲各二錢玄胡索一錢半全蝎

附子獨活各一錢川烏丁香巴豆霜各五分肉桂
二分右末蜜丸梧子大鹽湯下服如上法 正傳

通玄二八丹

治積聚黃連八兩芍藥當歸生地黃烏
梅各五錢為末雄豬肚一具入藥於內

以線縫之鋪韭菜二斤於鍋內蒸之一日以藥
為度取出搗丸梧子大空心薑湯下七十九丸或瀉

下二次以粥
補住入門

奔豚湯

治腎積半夏二錢川芎當歸各一錢半甘李根皮乾葛各一錢黃芩芍藥甘艸各七分右

剉作一貼入薑三棗

二水煎空心服入門

散聚湯

治六聚及癥瘕隨氣上下心腹刺痛二便不利厚朴吳茱萸枳殼各一錢半陳皮杏仁桂

心赤茯苓各一錢川芎附子炮甘艸炙各五分半

夏檳榔當歸各四分右剉作一貼薑三木煎服

香稜丸

治五積六聚氣塊三稜檳榔各三兩山楂肉二兩香附子蘿蔔子枳實枳殼蓬朮陳皮青

皮各一兩黃連神麩麥芽鱉甲乾漆桃仁硃砂

砂當歸尾木香甘艸各五錢右爲末醋糊和丸梧

子大白湯下三

五十九丸入門

大七氣湯

治五積六聚心腹痛脹二便不利三稜蓬朮青皮陳皮桔梗藿香益香仁香附子肉

桂甘艸各一錢右剉作一貼薑三棗二木煎服

一方加大黃檳榔各一錢治諸般痞積面色萎黃

四肢無力皆緣內有虫積或好食生米或壁土或
茶炭鹹辣等物只此一服除根用水煎露一宿空
心温服不得些少飲食不然則藥力減而虫積不
行矣服後心腹痛當下惡物如魚凍虫驚至日午
下積盡方用温
粥止之 醫鑒

潰堅湯

治五積六聚諸般痞塊當歸白朮半夏陳皮
枳實山查肉香附子厚朴縮砂各一錢木香

五分水磨取汁右剉作一貼

水煎調木香汁服之 回春

潰堅丸

治同上前方加海粉瓦礮子驚申炙為細末
將阿魏醋煮化入薑汁糊和丸梧子大酒下

五七十
丸 回春

真人化鐵湯

治五積六聚疝癰癥瘕三稜蓬朮青皮
陳皮山查肉神麴香附子枳實厚朴黃

連當歸川芎桃仁檳榔各五分紅花木香甘
艸各三分右剉作二貼薑二棗一煎服 回春

癥瘕疝瘕證治

癥者堅而不移瘕者堅而能移皆因痰飲食積灰血而成塊積聚癥瘕疝瘕其

實一也 入門 ○癥名有七蛟龍魚鱉獺狐蛇是也

亦曰蛇蛟鱉肉髮虱米也瘕名有八青黃燥血脂

狐蛇鱉是也此等病偶因食物相感而然瘕比癥

稍輕又有腸覃石瘕血蠱皆女子之疾種種不同

乃痞塊之異名也 千金 ○瘕者徵也腹中堅硬按

之應手曰癥瘕者假也腹中雖硬而忽聚忽散無

有常處曰瘕瘕因傷食瘕是血生痞原傷氣瘕則

傷精 入門 ○瘕瘕入於婦人子藏則絕產入於胞

絡則經閉治法詳見婦人門 入門 ○疝者在腹內

近臍左右各有一條筋麻急痛如臂如指如弦之

狀名曰疝 ○瘕者偏僻在兩脇之間有時而痛名

曰瘕凡癥瘕疝瘕得冷則痛 入門 ○積者跡也挾

痰血以成形跡亦鬱積至久之謂也聚者緒也依

元氣以為端緒亦聚散不常之意也 ○瘕者徵也

又精也以其有所徵驗及久而成精萃也瘕者假

也又退也以其假借氣血成形及歷年退遠之謂

也。疝瘕者懸絕隱僻又玄妙莫測之名也。大抵痞與疝瘕乃胃膈間之病積與聚為肚腹內之疾其為上中二焦之病多見于男子其癥與瘕獨見于臍下是為下焦之疾故常得于婦人也。正傳○治法同積聚。腸覃石瘕血蠱見下腸覃生於腸外月事時下石瘕生於胞中月事不下千金

養正積自除

易老云養正積自除譬如滿座皆君子縱有一小人自無容地而出令人真氣實胃

氣強則積自消矣更能斷厚味節色慾戒暴怒正思慮庶乎萬全而無害綱目。壯人無積虛人則有之皆由脾胃怯弱氣血兩衰四時有感皆能成積若遽以磨積破結之藥治之疾似去而人已衰矣治法當先補虛使氣血壯則積自消宜用木香枳殼丸入門。又治五積六聚癥瘕積塊元氣虛弱瘦怯飲食不進四肢沈困宜補中益氣湯方見內傷。加三稜蓬朮青皮香附桔梗藿香益智肉桂同春。凡攻擊之藥有病則病受之無病則胃氣受傷胃氣者清純中和之氣也惟與穀肉菜果相

宜蓋藥石皆偏勝之氣雖參芪性亦偏况攻擊者乎 升心

木香枳殼丸

治飲食積聚心腹脹痛嘔逆吞酸黑丑頭未微炒大黃各二兩枳殼茯苓白朮

厚朴半夏人參木香青皮陳皮三稜蓬朮檳榔神麩麥芽各一兩乾薑枳實各五錢右為末薑汁糊和丸梧子大薑湯下七十九。凡人有積病則氣滯而餒此方攻補兼施真得古人養正積自除之理宜誠心服之 升心

腸覃石瘕血蠱證治

腸覃乃寒氣客於大腸與胃相搏結而為瘕覃延日久瘕肉乃生始

如雞卵久如懷胎按之堅推之移月事時下或多或少此氣病而血未病也宜二陳湯加香附三稜蓬朮鱉甲並醋炒。石瘕者胞中傷損瘀血結成久則堅硬如石塞於子門大如懷孕月事不下乃先感寒氣而後血壅所致宜用晞露丸石莢散通經丸 方見婦人 桃仁煎。血蠱即癥瘕之甚者腹

肚堅硬如石宜用醋煮三稜丸三稜煎丸萬病丸桃奴散抱甕丸斑玄丸諸方

晞露丸

治腸覃病惡血成癥瘕作痛三稜蓬朮各一兩並酒浸以巴豆三十粒去皮同炒黃去巴

豆乾漆炒烟盡川烏炮各五錢研砂四錢別研茴香鹽炒青皮去白雄黃別研各三錢穿山甲炮二

錢麝香五分輕粉別研一錢右為末薑汁麪糊和丸梧子大溫酒或薑湯下二三十丸綱目

石英散

治石瘕紫石英醋淬一兩當歸尾馬鞭艸紅花炒烏梅肉各五錢蓬朮三稜並醋炒蘇木

節各三錢沒藥琥珀甘艸各一錢石為末以濃煎蘇木酒調下二錢不飲酒薑湯調下三因

桃仁煎

治婦人血蠱血瘕血積經候不通桃仁大黃各一兩淫虫炒五錢朴硝一兩右為末先以

醇醋一升二合銀石器中慢火煎取七合許下桃仁大黃蚘虫未攪干下次下朴硝更熟攪良久出

之丸如梧子前一日不吃晚飯五更初溫酒吞下五丸取下惡物如豆汁雞肝未下再服見鮮血即

止藥
千金

醋煮三稜丸

治血蠱三稜四兩醋煮竹刀切晒乾川芎二兩醋煮大黃五錢醋煨右為末醋

糊和丸梧子大每三十九丸
醋湯下一月見效
綱目

三稜煎丸

治婦人血積血塊血蠱大黃八兩為末三稜蓬朮各一兩竝煨為末右將大黃醋煮

令稠和丸菉豆大白
湯下三五十九丸
醫鑿

萬病丸

治室女月經不通臍下堅結大如盃升寒熱羸瘦若生肉痕不可為也乾漆炒令烟盡牛

膝酒浸一宿各一兩六錢生地黃四兩八錢取汁
右銀石器內下地黃汁入二藥末慢火熬丸如梧

子大酒下一二丸
病去即止
三因

桃奴散

治血蟲及瘀血停積經水不通桃奴假鼠糞玄胡索肉桂五靈脂香附子各炒過縮砂桃

仁各等分右為末每三錢以溫酒調下入門

抱甕丸

治血蠱及婦人鬼胎如抱一甕芫花吳茱萸川烏參朮柴胡白殭蚕巴戟巴豆各等分右

為末蜜丸梧子大每七丸蜜酒吞下惡物立出而愈入門○輕者去芫花巴豆巴戟三味名曰斬鬼丹

丹丹心

斑玄丸

治鬼胎惑於妖魅狀似癥瘕及一切血病斑貓玄胡索各等分右為末醋糊和丸酒下三

丸胎墮為效入門

息積病

帝曰人有病脇下滿氣逆二三歲不已是為何病岐伯曰病名曰息積此不妨於食不可灸刺

積為導引服藥藥不能獨治也內經

宜服磨積丸化氣湯兼行導引法得效○

磨積丸

治腸胃因虛氣癖於膏膜之外流於季脇氣逆息難積月頻羊醫所不治久則榮衛停凝

一朝敗濁潰為癰膿多致不救胡椒一百五十粒
木香二錢半全蝎十箇右為末粟米飯和丸棗豆

大橘皮湯下

十五丸得效

化氣湯

治息積癖於腹脇之下偏脹膨滿不妨飲食
諸藥不能療蓬朮乾生薑陳皮青皮丁香皮

茴香炒甘艸炙各五錢縮砂桂心木香各二錢半

胡椒沉香各一錢一字右為末每取二錢以生薑

紫蘇葉鹽少許

煎湯調下得效

導引法

治息積以兩手指壓無名指本節作拳按
髀跌坐叩齒三十六屏氣二十一息嚙氣三

日再屏息再嚙如是三作以氣通

為效遇子午卯酉時則行得效

諸物傷成積

凡人脾胃虛弱或飲食過常或生冷過度
不能剋化致成積聚結塊心腹脹滿噎氣

吞酸面青肌瘦

日食積二日酒積三日麪積四

日肉積五日魚蟹積六日果菜積七日茶積八日

水積九曰血積
十日虫積得效

食積

食不消化成積痞悶宜用平胃散方見內傷加
砂香附子神麩麥芽入生薑紫蘇葉煎服得效

食積宜用保和丸大安丸連蘿丸
方見上紅丸子佐脾丸諸方

酒積

酒傷成積者面黃黑腹脹時嘔痰水宜用對金飲
子方見內傷加葛根赤茯苓縮砂神麩煎服局方

酒積宜用麩蘖丸酒積丸。治酒積方甘遂一

錢為末以猪槽頭肉一兩細切搗爛和藥末作一

丸壓紙暴火煨令香熟取出臨臥細嚼以酒送下

丹心。又方黃連酒浸一宿焙為末以橘紅葛根

湯調下一錢壽域。葛花解醒湯常服亦佳東垣

遇仙丹方見虫門保和丸烏白丸並治酒積門入

麩積

食麩過多成積取阿魏丸以濃煎蘿蔔子湯吞下
。糞糕傷成積噎酸心腹作痛百藥不效取青木

香丸方見前卷三百粒白丁香十粒神麩二錢同

為末入巴豆肉三粒更研和勻蒸餅為丸棗豆大

肉積

以生薑橘皮湯下二三十丸滯去自安。素
粉積以紫蘇濃煎湯加杏仁泥服即散得效
食肉過多成積宜用阿魏丸煎百藥不效取青木
小阿魏丸五稜煎丸入門

魚蟹積

食魚蟹過傷成積香蘇散方見瘟疫多加生薑
木香煎服。妙應丹遇仙丹方見虫門並佳得

果菜積

多食果菜成積用平胃散加丁香麝香為末熱
鹽湯調服日三。果菜積宜用桂香丸妙應丹

得效

茶積

喜吃茶成積成癖及吃乾茶者石膏黃芩升麻為
末砂糖水調下綱目。茶積取川椒為末麪粉和

丸梧子大茶清下十九丸丹心。茶癖茶
積宜用星朮丸方見內傷磨積丸得效

水積

多飲水漿成積胃脇引痛瀝洛有聲宜丁香棗湯
見樂門三花神佑丸方見濕門。芎夏湯方見

門破積導飲丸

服之並佳直指

血積

瘀血成積或因打撲或因墮落以致蓄子胃腹面黃糞黑宜用抵當湯方見寒門桃仁承氣湯方見

寒門勝結丸增味四物湯

三稜煎三稜煎丸方見上

蟲積

飲食積聚變化成虫然用妙應丸方見
蟲門溫白丸萬病丸紫金錠方見解毒

保和丸

治食積酒積山楂肉一兩半夏薑製蘿蔔子炒黃連炒陳皮各五錢神麴炒三錢麥芽炒

二錢右為末神麴糊和丸梧子大白湯下五七十丸丹心。一方山楂五兩神麴半夏各三兩茯苓

陳皮蘿蔔子連翹麥芽炒各一兩右末別以神麴五兩為末作糊丸服正傳

大安丸

治食積乃脾經消導之劑也山楂肉白朮各二兩神麴半夏茯苓各一兩陳皮連翹蘿蔔

子炒各五錢右為末神麴糊和丸服如上法正傳

紅圓子

治食積酒積脾積血氣諸般癥塊三稜蓬朮青皮陳皮各五兩胡椒乾薑各一兩右為末

醋煮麩糊和丸梧子大礬紅為
衣薑湯吞下五七十丸 得效

佐脾丸 治食積山楂肉三兩連翹陳皮蘿蔔子炒各
五錢赤茯苓半夏各一錢右為末粥丸棗豆

大溫水吞下五
七十丸 丹心

麩蘖丸 治酒癖不消腹服吞酸嘔逆不食神麩炒麥
芽炒各一兩黃連五錢巴豆肉三粒同炒去

巴豆右為末沸湯和丸梧子
大薑湯下五七十丸 得效

酒積丸 治酒積烏梅肉黃連酒浸一宿各一兩半夏
麩七錢枳實縮砂各五錢木香四錢杏仁三

錢巴豆霜一錢右為末蒸餅和丸棗
豆大白湯吞下八丸或十丸 綱目

烏白丸 治酒積消痰食烏梅肉生薑各四兩白礬半
夏各二兩搗勻以新瓦夾定火焙三日夜入

神麩麥芽陳皮青皮蓬朮丁香皮大腹子枳殼各
一兩右為末酒糊和丸梧子大薑湯不五十丸 門人

阿魏丸

食麪食生果過多不能剋化致成積腹瀉嘔

神麪炒蘿蔔子青皮白朮乾薑各五錢百州霜三

錢巴豆三七粒去皮油右為末薄糊和丸菴豆大

薑湯下二三十丸麪傷用麪湯吞

下生果菜傷以麪香湯下得效

阿魏丸

治肉積及食積成塊阿魏一兩醋煮軟山楂

兩右為末炊餅和丸服丹心一方阿魏山楂各

一兩黃連六錢半連翹五錢右為末醋糊和丸服

名曰小阿

魏丸入門

三稜煎丸

治肉積脾虛為肉食所傷腹滿膨痛三稜

神麪麥芽並炒各三兩青皮乾漆炒蘿蔔子炒各

二兩杏仁礪砂飛研各一兩右為末以三稜膏和

丸梧子大薑湯下

二三十九丸得效

妙應丹

治飲食中蠱毒或食水陸果瓜子卵入腹而成虫蛇魚髓或宿食留飲結為癥瘕附子四

箇七錢重者生去皮臍剉作瓮入礪砂共一兩七

錢重麪暴煨熟去麪不用華撥木香青皮破故紙

各三兩半右為末麪糊和丸梧子代以器蒸如膏

大庄薑橘皮湯下三十丸得效

桂香丸

治多食雜瓜果于成積腹脹氣急桂心一兩麝香一錢右為末飯丸棗豆大白湯吞下十

五丸入門

磨積丸

治茶積飲食減少面黃腹滿陳倉米半升巴豆肉七粒同炒令米赤去巴豆入青皮橘紅

各二兩右為末好醋搜和為丸疏

豆大淡薑湯下二三十九得效

勝紅丸

治血積酒積及婦人脾血積氣三稜蓬朮並醋炒青皮陳皮乾薑炮良薑炒各一兩香附

子醋炒二兩右為末醋糊和丸

梧子大薑湯下三五十九丹心

增味四物湯

治血積四物湯料加三稜蓬朮
乾漆炒肉桂各等分煎服 東垣

三稜煎

治食癥酒癖血痕氣塊三稜蓬朮各四兩芫
花一兩同人磁器中米醋五盞浸之封口灰

火煨令乾取出稜朮將芫花以餘醋炒令微焦共
焙乾為末醋糊和丸菘豆大薑湯下十五丸 入門

○一方三稜蓬朮各二兩青皮半夏麥芽炒各一
兩米醋六升同煮乾焙為末製法服法同上 得效

破積導飲丸

治水積痰飲積木香檳榔陳皮青皮枳
實枳殼蓬朮三稜半夏神麴麥芽茯苓

乾薑澤瀉甘艸各五錢白丑頭末六錢巴豆三十
粒去皮心膜油右為末薑汁糊和丸梧子大薑湯

下三五丸
丸綱目

積聚癥瘕疝痞痞塊通治藥

宜用溫白丸萬病丸金露
丸荊蓬煎丸祕方化滯丸

三稜消積丸寬中丸萬應丸
延年護命丹桃溪氣寶丸

溫白丸

治積聚癥癖黃疸鼓脹十種水氣八種痞塞五種淋疾丸種心痛遠年瘡疾及療七十二

種風三十六種尸疰癩狂邪崇一切腹中諸疾川

烏炮二兩半吳茱萸桔梗柴胡菖蒲紫苑黃連乾

薑炮肉桂川椒炒巴豆霜赤茯苓皂莢炙厚朴人

參各五錢在為末煉蜜和丸梧子大薑湯下三丸

或五丸至七丸付方。一名萬病紫苑丸海藏。

治婦人腹中積聚有似懷孕羸瘦困弊或歌笑如

邪祟服此藥自愈久病服之則皆

瀉出虫蛇惡膿之物乃愈得效

萬病丸

療七種癥塊八種痞病五種癩癩十種疰忤七種飛尸十二種蠱毒五種黃疽十二種瘴

疾十種水病八種大風十二種溼痺及積聚脹滿

久遠心腹痛痞蛔寸白諸虫久積痰飲消瘦疲困

或婦人于藏中瘀血凝滯因此斷產服此藥以三

丸為一劑不過三劑其病悉除說無窮盡故稱為

萬病丸芍藥川椒肉桂芍藥乾薑防風巴豆霜當

歸犀角鋤桔梗芫花醋炒赤茯苓人參黃芩黃連

桑白皮蒲黃前胡大戟葶藶子炒麝香細辛雄黃
朱砂紫苑禹餘糧醋淬研水飛甘遂牛黃各一兩
蜈蚣十二節去頭足炙羌青二十八箇糯米同炒
米黃色取去翹足蜥蜴去頭尾足炙四寸右爲末
蜜丸小豆大溫水或薑湯
下三丸以吐利爲度局方

金露丸

治腹內一切積聚癥塊作痛與萬病丸同功
艸烏炮黃連各一兩生乾地黃貝母巴豆霜

桔梗柴胡紫苑吳茱萸菖蒲乾薑白茯苓桂心芎
藭人參甘艸防風厚朴枳殼鼈甲川椒甘遂各五
錢右爲末麪糊和丸梧子大

薑湯下三丸或五丸局方

荊蓬煎丸

消癥塊冷熱積聚破痰癖消化宿食三稜
蓬朮並酒浸三日夏則一日取出同巴豆

肉三十八粒石器內同炒黃色去巴豆卻用湯浸
去白各二兩木香枳殼青皮茴香炒檳榔各一兩
右爲末麪糊和丸菉豆大
薑湯下三五十九丸得效

祕方化滯丸

理一切氣化一切積久堅沈痼磨之自消暴積乍留導之立去奪造化有通塞

之功調陰陽有補瀉之妙三稜蓬朮並煨各四錢

八分半夏麩木香丁香青皮陳皮並去白黃連各

二錢半巴豆肉醋浸一宿熬乾六錢烏梅肉焙乾

細末五錢右為末以烏梅末人白麩少許煮作糊

和丸黍米大每服五七丸至十九丸欲通利則以熱

湯下欲磨積則以陳皮湯下欲止泄則飲冷水心丹

三稜化積丸

治諸般積聚三稜酒煮六兩山楂因四兩大黃酒蒸檳榔各三兩蓬朮醋煮木

香青皮陳皮香附子醋炒枳實厚朴縮砂神麩炒

麥芽炒南星薑湯泡半夏薑製蘿蔔子炒黃連炒

桃仁乾漆炒甘艸各一兩右為末醋糊

和丸梧子大白湯下四五丸醫鑑

寬中丸

治七癥八瘕五積六聚痞癖氣塊胃腹脹痛

百黃肌瘦一切沈滯之疾蒼朮炒烏藥香附

子各二兩三稜蓬朮並醋煮焙青皮陳皮乾薑炮

良薑炮茴香炒神麩炒麥芽炒各一兩右為末醋

糊和丸梧子大薑

湯下五十丸類聚

萬應丸

破一切積散一切氣氣蠱血塊癥瘕積聚食積肉積酒積鼓脹浮腫痰癖等證明砂水震

剉魏醋研大黃吳茱萸青礞石與焰硝同煨肉桂

木香青皮玄胡索五靈脂茴香炒穿山甲蛤粉炒

乳香沒藥當歸菖蒲皂角乾漆炒檳榔陳皮枳殼

三稜蓬朮並醋煨丁香良薑炒甘遂芫花大戟雄

黃各二錢半巴豆霜一錢半右為末醋

糊和丸梧子大薑湯下三五十九丸類聚

延年護命丹

治三十六般積二十四般氣及血積虫積大黃十兩半生半醋浸切作片燈乾

黑丑頭末一兩蓬朮三稜並炮芫花鼈甲醋炙各

五錢陳皮二錢半與芫花同醋浸一宿焙乾以藥

乳香輕粉各一錢右為末蜜和塢干杵每一兩分

作四丸細嚼一丸溫水送下臨臥時明早取不

物為效三日只喫日窮

將息忌生冷油膩類聚

桃溪氣寶丸

治積聚癥瘕腹脇如抱一蠶瘦瘠露骨一切氣積食積大便秘澀寒熱往來黑

丑頭水二酉大黃一兩半檳榔青皮各一兩羌活

川芎陳皮茴香炒木香當歸各五錢右為末熬皂

角膏和丸薑湯下與共茶同煎

五七十九類聚

外貼法

凡積聚痞塊用藥外貼今消散可用

三聖膏

貼積塊風化石灰半斤為末瓦器炒令淡紅色提出候熱稍減次下大黃末一兩就爐外

炒候熱減人桂心末五錢略炒入米

醋熬成黑膏厚紙攤開貼患處入門

琥珀膏

治同上大黃朴硝各一兩為末大蒜搗為膏和勻作片貼之丹心。一方加麝香五分名

硝黃膏

入門

五仙膏

治一切痞塊積聚癥瘕大黃皂角生薑生蔥大蒜各半斤右共搗爛水煎取汁去渣再熬

成膏黑色為度攤絹帛上先以鍼刺患處後貼膏藥同春

貼痞膏

水紅花子二錢大黃朴硝山施石灰各一錢酒醉一塊雞子大共搗成膏用布攤開貼痞

塊上再用湯瓶熨手背勒之三日後揭起肉黑如墨是其效也入門

熨癥法

吳茱萸三升碎之酒和煮熱布裹熨癥上冷更炒熨移走則逐而熨之外臺

握藥宜積

巴豆乾薑芥子良薑硫黃甘遂檳榔各等分右為末飯丸如中指頭大早朝先以川椒湯

洗手了麻油塗手掌中握藥一圓移時便瀉欲止瀉即以冷水洗手得效

難治證

積聚癥瘕不轉動者難治必死。五積中奔豚證最為難治奔豚從小腹起上衝咽喉發作欲

死復還止皆從驚恐得之越人曰驚者神上越也竹景。抑蓋奔豚病上衝咽喉者隨神上越故也

嘗論之醫為病所困首惟陰虛之難補久積之難除玉山自倒陰虛之謂也養虎遺患久積之謂也

人之罹此二患者

可不懼哉丹心

凡二十

單方

四種

牛膝

破癥結及卒暴癥腹中有如石列
取一兩細剉酒煎溫服空心本州

三稜

主老癖癥瘕結塊取三稜濃煎成
膏每朝取一七酒服日二本州

玄胡索

破癥癖與三積釐甲大黃等
分為末酒服二錢效本州

大黃

破癥瘕積聚推陳致新最效大黃為末醋煮成
膏入蜜更煎丸如梧子薑湯下三十丸。疎風

熱去積滯大黃黑丑頭末半生半炒等分
蜜丸梧子大茶清下十五丸空心本州

商陸

三暴癥腹中有物如石痛刺若不治百日死多
取商陸根搗爛蒸之以布藉腹上安藥熨之冷

復易自

尚本州

牽牛子

治五般積聚疰癖氣塊黑丑取頭末半生半炒蜜丸梧子大臨臥時以薑湯吞下甚效本州

葫蘆

主暴癥腹中堅如石痛欲死葫蘆根一小束細切酒一瓶浸三宿温服五合日三神效本州

續隨子

宜一切積滯日服丁粒若瀉多取薄酸冷粥喫之即止本州

桑耳

主血病癥瘕積聚取燒為末酒調服之本州

虎杖根

主癥結暴瘕痛欲死取根為庵末酒漬飲日三本州

郁李仁

療癖取仁湯浸去皮為細末每二錢白麪搜和作燒餅空心食之當快利若不止飲冷醋

湯本州

白楊木

療癥癖堅如石積年不差取東南枝細剉五升熬令黃以酒五升漬之封口經二宿每服

一合日

三本州

魚膾

主腹內伏梁痞積氣塊以蒜薑醋食之鯉魚膾尤佳 本州

鼈甲

主癥瘕痞積燒黃為末酒服二錢日二次 本州

蚶殼

治冷氣癥瘕能消血塊又能消痰一名瓦壟子火煨醋淬三次為末醋糊和丸薑湯吞下 入門

黍米泔

患鼈瘕者以新蒸赤黍米淘取泔汁生服一升不過三兩度愈 入門

白頸蚯蚓

主蛇瘕取汁服之 入門

桃花萼

破積聚花落時取萼和麪作燒餅食之 于和

桃奴

治伏梁氣在心上結聚不散桃奴三兩為末空心酒調二錢服之 本州

麥

主瘕瘕積氣每日取握水煮空心服 本州

大蒜

爛瘕瘕可常食之 本州

白馬尿

治鼈瘕取飲之即消本州。瘕積滿本州

雄雀屎

主瘕瘕瘕瘕瘕伏梁諸塊為末。蜜丸空心以米飲吞下本州

人尿

主瘕積滿腹諸藥不差人尿溫。服一升空心童子尿尤佳本州

鍼灸法

奔豚上氣心痛欲絕急以溫湯浸手足數數易之仍灸氣海關元期門章門各百壯中極五十壯得效

氣海百壯中脘二百壯得效。瘕瘕積塊先於塊上鍼之甚者又於塊首一鍼塊尾一鍼立應鍼訖

灸之又灸三里綱目。積聚取中脘懸樞脾俞高曲補尺澤大谿綱目。伏梁取上脘三里。息賁取巨關期門。奔豚取玉泉即中極穴章門甲乙

積塊取章門中脘氣海天樞上脘通谷綱目。專治痞塊取痞根穴穴在寸三釐下各開三寸半

多灸左邊如左右俱有左右俱灸。又法用秤心量患人足大指齊量至足後跟中住將此桿從尾

量患人足大指齊量至足後跟中住將此桿從尾

骨火量至稗盡處兩傍各開一韭葉許在左灸右
在右灸左鍼三分灸七壯神效。又法於足第二
指岐又處灸五七壯左患灸右右患灸左
灸後一晚夕覺腹中響動是驗也 入門

浮腫

浮腫之因

腫者鍾也寒熱氣所鍾聚也 醫鑿 ○諸溼腫
滿皆屬脾土 內經 ○三陰結謂之水註曰三
陰結謂脾肺之脈俱寒結也脾肺寒結則氣化爲
水 內經 ○下焦溢爲水註曰下焦爲分注之所氣
室不瀉則爲溢水 內經 ○問曰少陰何主腎腎何
以主水對曰腎者至陰也至陰者盛水也肺者太
陰也少陰者冬脈也故其本在腎其末在肺皆積
水也問曰腎何以能聚水而生病對曰腎者胃之
關也關閉不利故聚水而從其類也上下溢於皮
膚故爲附腫附腫者聚水而生病也 內經 ○附腫
謂皮肉俱腫按之陷下泥而不起也 內經 ○陰陽
氣道不通四海閉塞三焦不瀉津液不化水穀并

行腸胃之中別于迴腸留于下焦不得滲勝膀胱則
下焦脹水溢則為水脹靈樞○水腫由脾虛溼勝
凝閉滲道水漬妄行故通身面目手足皆浮而腫
皮薄而光手按成窟舉手即滿是也或腹大如鼓
而面目四肢不腫者名曰脹滿又名鼓脹皆脾土
溼熱為病腫輕而脹重也丹心○腎熱傳於膀胱
熱盛逆於脾胃脾虛而不能制腎水脾主四肢故
流走而身面皆腫也若加喘者重也何以然腎水
勝而克退脾土又勝心火心又勝肺肺為心剋故
喘也錢乙○久喘久瘥久痢羸悴之餘皆患此病
入門

浮腫微兆

諸有水氣者微腫先見於目下也帝曰何以

言之岐伯曰水者陰也目下亦陰也腹者至

陰之所居故水在腹者必使目下腫也內經○目

裏微腫如臥蚕起之狀曰水內經○頸脈動喘疾

咳曰水內經○足脛腫曰水內經○視人之目窠
上微壅如新臥起之狀其頸脈動時咳按其手足

上微壅如新臥起之狀其頸脈動時咳按其手足

浮腫形證

上宵而不起者風水膚脹也鼻頭色微黑者有水
 氣靈樞○腰脊者身之大關節也肢脛者人之管
 以趨翔也莖垂者身中之機陰精之候津液之道
 也故飲食不節喜怒不時津液內溢乃下流於畢
 血道不通日大不休俛仰不便趨翔不能此病榮然有水也
 靈樞
 水病下為筋腫大腹上為喘呼不得臥者標
 本俱病茲肺為喘呼腎為水腫肺為逆不得
 臥內經○溼勝則濡泄甚則水閉附腫內經○水
 病有五種一日風水其脉自浮外證骨節疼痛惡
 風○二日皮水脉亦浮外證附腫按之沒指不惡
 風其腹如鼓不渴當發其汗○三日正水其脉沈
 遲外證自喘○四日石水其脉自沈外證腹滿不
 喘○五日黃汗其脉沈遲身發熱曾滿四肢頭面
 腫灸不愈必致癰膿又日久則肌肉潰爛陰囊足
 脛水出仲景○又有五藏水心水者其身重而少
 氣不得臥煩而躁其陰大腫○肝水者其腹大不
 能自轉側脇下腹中痛時時津液微生小便續通

○肺水者身腫小便難時時鴨溇。脾水者其腹
 大四肢苦重津液不生但苦少氣小便難。腎水
 者其腹大臍腫腰痛不得溺陰下溼如牛鼻上汗
 其足逆冷而黃瘦。仲景○其狀目胞上下微腫如
 裹水通身浮腫咳喘怔忡股間清涼小便澀黃皮
 薄而光手按成窟舉手即滿是浮腫也。直指○又
 有陽水陰水陽水多外因涉水冒雨或感風寒暑
 溼其證先腫上體肩背手臂熱渴而二便閉。陰
 水多內因飲水及茶酒飢飽勞役房勞其證先腫
 下體腰腹脛附身凉大便利入門。煩渴小便赤
 澀大便祕結此為陽水。不煩渴大便溇小便不
 赤澀此為陰水。正傳○又曰石水者腎水停在臍
 下小腹腫大結硬如石故云石水。肺水者流溢
 皮膚遍身皆腫但腹如故不滿亦不渴。水蠱者
 水毒之氣結聚於內令腹漸大動搖有聲常欲飲
 水皮膚癢惡。類聚○朝寬暮急血虛暮寬朝急氣
 虛朝暮急血虛暮寬朝寬朝急血虛暮寬朝急氣
 氣俱虛。丹心

氣俱虛 丹心

水腫 朝寬暮急 血虛暮寬 朝急氣虛 朝寬朝急 血虛暮寬 朝寬朝急 血虛暮寬 朝寬朝急 血虛暮寬

脉法

脉得諸沈當責有水身體腫重

仲景

○水病脉洪

大者可治微細者不可治○水病腹大如鼓脉實

者庄虛者死脉經○水氣得沈脉則逆此陰脉也

東垣○水氣浮大則宜沈細則愈而復作○上氣

浮腫浮滑可安微細難療得效○水腫脉多沈伏

○病陽水兼陽證脉必沈數病陰水兼陰證脉必

沈遲正傳○沈伏相搏名曰水水腫

水陽虛陰實為水必矣三四

水腫治法

治腫脹大法宜補中行溼利小便以人參白

朮為君蒼朮陳皮茯苓為臣黃芩麥門冬為

使以制肝木少加厚朴以消腹脹氣不運加木香

木通氣下陷加升麻柴胡此補中治溼湯方也丹

心○治浮腫宜以辛散之以苦泄之以淡滲利之

使上下分清其溼正所謂開鬼門潔淨府開鬼門

者謂發汗也潔淨府者利小便也東垣○夫為腫

之水乃腐濁之氣滲透經絡流注谿谷灌入隧道

血亦因之而化水欲藉脾土以制之導腎氣以利

乏殊不知脾病則金氣衰木寡於畏而來侮土脾

欲不病不可得矣治法宜清心經之火補養脾土
 全運化之職肺氣下降滲道開通使敗濁之氣稍
 清者復回而為氣為血為津液甚者在上下為汁在
 下為尿以漸而分消矣丹心○諸有水者腰以下
 腫當利小便宜五苓散方見寒門澤瀉散神助散
 ○腰以上腫當發汗乃愈宜麻黃甘州湯越脾湯
 防已茯苓湯仲景○陽水宜八正散方見小便或
 人參敗毒散方見寒門加麻黃防風黃芩梔子服
 ○陰水宜實脾散胃苓湯復元丹諸方○他病久
 則皆能變水因雨溼而浮腫宜平胃散方見內傷
 加白朮赤茯苓州豆蔻且服導滯通經湯實鑒○
 飲水過多而浮腫宜胃苓湯方見大便加減胃苓
 湯退腫塌氣散聖惠○久喘後水氣宜分氣飲葶
 蘆丸久瘧變水氣宜黃甲丸方見瘧門退黃丸
方見瘧門○久痢變水氣宜加味腎氣丸或補中
 益氣湯方見內傷加炮附子久服○瘧痢後通用
 五皮散入門○水蠱證宜黃米丸添雄丸青木香
 丸入門○瀉溼泄水宜三花神祐丸方見溼門煨

腎丸神助散入門。○蒼芥變水腫宜赤小豆湯入
門。○水腫泄瀉宜葶藶木香散大橘皮湯丹心

補中治溼湯

通治水病補中行溼人參日朮各一錢
蒼朮陳皮赤茯苓麥門冬木通當歸各

七分黃芩五分厚朴升麻各三
分右剉作一貼水煎服

醫林

澤瀉散

治水腫二便澀澤瀉赤茯苓枳殼猪苓木通
檳榔黑牽牛頭末各等分右為末生薑蔥白

湯調下
錢入門

神助散

治遍身水腫喘急小便澀黑土頭末三錢葶
藶子炒二錢椒目一錢半猪苓澤瀉木香各

一錢右為末先以漿水一盞蔥日三莖煎至半盞
入酒半盞調藥三錢絕早面東服如人行十里入

以漿水煮蔥白粥入酒五合熱服當利小便三
四升隔日再服須斷鹽味及房室三年直指

麻黃甘艸湯

治腰上浮腫麻黃三錢甘艸二錢石剉
作一貼水煎服溫覆令出汗不汗再服

仲景

○有人患氣促積久不差

遂成水腫服此湯即效

得效

越脾湯

治腰上浮腫咳喘麻黃三錢蒼朮二錢石膏
甘州各一錢右剉作一貼入薑五片棗二枚

水煎服

綱目

防已茯苓湯

治皮水上體腫赤茯苓三錢防已黃芪
桂枝各一錢半甘州一錢右剉作一貼

水煎服

綱目

實脾散

治陰水發腫先實脾土厚朴白朮木瓜州果
大腹子附子炮白茯苓各一錢木香乾薑炮

甘州炙各五分右剉作一

貼薑三棗二水煎服

得效

復元丹

夫心腎真火能生脾肺真土今真火既虧不
能滋養真土故土不制水水液妄行三焦不

瀉樞機不運腫脹滿溢喘息奔急服冷香乾不能

正偃小便不通澤瀉二兩半附子炮二兩木香荷

香砂川椒獨活厚朴白朮略炒桶皮吳茱萸桂心
各一兩肉豆蔻煨檳榔各五錢右爲末糊丸梧子
大紫蘇湯下五十丸此藥世傳屢驗其間君臣佐
使與造物同妙當屏去諸藥一日三服且禁慾絕
鹹半年
得效

導滯通經湯

赤茯苓澤瀉各一錢陳皮桑白皮白朮
木香各一錢右剉作一貼水煎服○許

魯齋因霖雨所傷肢體浮腫大便溇腹脹腸鳴時
痛飲食減少脉弦細而緩此脾胃虛弱而濕氣盛
也先服平胃散加白朮赤茯苓州豆蔻諸
證皆愈止有四肢浮腫用此藥全愈寶鑑

退腫塌氣散

治積木驚水或飲水過多積於脾故四
肢腫而身熱赤小豆陳皮蘿蔔子炒各

二錢甘州一錢木香五分右剉作
一貼入薑三棗二水煎服丹心

分氣飲

治腫脹喘急桔梗赤茯苓陳皮桑白皮大腹
皮枳殼半夏麩蘇子炒蘇葉各一錢州果甘

州各五分右剉作一點入

薑三棗二水煎服得效

葶藶丸

治肺氣喘促面目浮腫葶藶子防己木通杏仁貝母各一兩右為末蒸棗取肉和丸梧子

大桑白皮湯下

五十丸 人門

加味腎氣丸

治腎虛不能行水以致浮腫附子炮二兩白茯苓澤瀉肉桂牛漆車前子炒山

藥山茱萸牡丹皮各一兩熟地黃五錢右為末蜜

丸如梧子大空心米飲下七十九丸或百丸 丹心

黃米丸

治水蠱乾絲瓜一棒去皮剪碎和巴豆肉十

四粒同炒以巴豆色黃為度去巴豆入陳倉

米如絲瓜之多少同炒米黃色去瓜取米為末水

丸梧子大每湯下百丸數服即愈蓋絲瓜如人脈

絡引巴豆之氣 人門

漆雄丸

治水蠱真生漆一兩鍋內焙化麻布絞去滓復入鍋內熬乾雄黃一兩為末右兩末醋糊

和丸梧子大每四九

麥芽煎湯吞下 入門

三花神佑丸

治中滿腹脹喘嗽淋閉一切水淫浮腫
脹滿溼熱沈積變生諸疾 方見溼門

煨腎丸

治脾虛邪水流注腰膝浮腫而痛甘遂生五
錢木香一兩右為末每一錢猪腰子一枚剉

開去筋膜糝藥在內薄荷葉裹定外用溼紙四五
重慢火煨熟臨臥細嚼温酒送下利去黃水為度

丹心

五皮散

因他病變作水腫浮虛大腹皮茯苓皮生薑
皮桑白皮陳皮各一錢半右剉作一貼水煎

眼丹心

赤小豆湯

治年少氣血俱熱生瘡疥變為腫滿赤小
豆猪苓桑白皮防己連翹澤瀉當歸商陸

赤芍藥各一錢右剉作一

貼入薑五水煎服得效

葶藶木香散

治水腫腹脹小便赤大便滑泄滑石三兩白朮葶藶子猪苓赤茯苓各一兩水

香澤瀉木通桂皮甘州各五錢

右為末白湯調下三錢 正傳

六橘皮湯

治溼熱內攻心腹脹滿并水腫小便不利大便滑泄滑石三錢陳皮一錢半白朮赤

茯苓猪苓澤瀉各一錢桂皮七分檳榔一分木香

五分甘州炙四分右剉作一貼入薑五水煎服必用

十水證

一日青水先從左右脇腫起根在肝用大戟。二日赤水先從舌根腫起根在心用葶藶子。

三日黃水先從腰腹腫起根在脾用甘遂。四日

白水先從腳腫起根在肺用桑白皮。五日黑水

先從外腎腫起根在腎用連翹。六日玄水先從

面腫起根在外腎用芫花。七日風水先從四肢

腫起根在骨用澤瀉。八日石水先從腎腫起根

在膀胱用藁本。九日高水先從小腹腫起根在

小腸用巴豆。十日氣水或盛

或衰根在大腸用赤小豆 本傳

十水丸

治十腫水氣右十證看病根源除一味倍多為君餘九味等分修製焙為細末蜜丸梧子

大以赤茯苓湯吞下三丸或五丸日二三服忌食

生冷油膩鹹鹽及猪魚酒麪一百二十日○神效

散亦佳

方見上
○本事

結陽證

內經曰結陽者腫四肢註曰素營氣疾溼熱加之氣溼熱爭故為腫也邪氣漸盛正氣漸微陽

氣衰少致邪伐正氣不宜通故四維發腫諸陽受

氣於四肢也令人見手足關節腫痛全以為風治

者誤矣犀角

湯主之三傳

犀角湯

治結陽證四肢腫閉犀角玄參各一錢升麻

木通各八分連翹柴胡各六分沈香射干甘

丹各五分茵陳麥門冬各四分

分在剉作一貼水煎服入門

氣分證血分證

氣為飲隔痞滿腹鳴骨痛冷痢則日氣
分亦曰水分○經脈不行血化為水四

波紅腫則曰血分皆水氣之所由作也○
氣分宜桂朮湯血分宜桂苓湯直指婦人門

桂朮湯 治氣分桂皮一錢半白朮麻黃細辛甘艸各一錢枳殼乾薑各七分半右剉作一貼薑五

片水煎服直指

桂苓湯

治血分桂皮赤茯苓當歸川芎赤芍藥蓬朮三稜桑白皮檳榔蒼朮大腹皮瞿麥青皮陳

皮甘艸五分葶藶大黃煨各二分半右剉作一貼入薑五片水煎服直指

婦人產前後浮腫

詳見婦人門

不服藥自去水方

用丹房奇術塗臍膏消河餅

丹房奇術

治腫脹不服藥自去水巴豆研去油四錢水銀粉二錢硫黃生一錢右同研成餅先用新綿一片布臍上次以餅掩之外用帛縛如人行三五里許自然瀉下惡水待下三五次去藥以

行三五里許自然瀉下惡水待下三五次去藥以

粥補住 醫鑿 ○久患者隔日取水一餅可救二三
十人 活人 ○一方治水蠱商陸根赤者杵爛貼臍

上以帛縛定水
自小便出 丹心

塗臍膏

治水腫小便絕少地龍生研猪苓甘遂鐵砂
各五錢右為末搗葱涎調成膏敷臍中約一

寸以絹帛束之以小便
多為度日兩易之 得效

消河餅

治水腫膨脹大田螺四箇大蒜五箇車前子
末三錢右研成餅貼臍中以怕縛之少時尿

出如注即
愈 醫鑿

浮腫通治藥

宜加減胃苓湯四苓五皮湯集香湯實脾
飲沈香琥珀丸三仁丸椒豉丸海金沙散

諸方

加減胃苓湯

治浮腫蒼朮一錢半陳皮澤瀉白朮赤
茯苓木瓜各一錢厚朴猪苓神麴檳榔

各八分山楂肉縮砂各七分香附子薑汁炒大腹
皮各六分甘艸炙三分右剉作一貼入薑二燈心
一團水煎服醫鑿

四苓五皮湯

治浮腫桑白皮陳皮地骨皮茯苓皮生
薑皮大腹皮蒼朮白朮澤瀉猪苓青皮

車前子炒各一錢右剉
作一貼水煎服辨疑

集香湯

治虛腫先用此以透關絡然後審證療之木
香藿香川芎赤茯苓檳榔枳殼甘艸各三錢

沈香丁香各二錢乳香一錢半麝香一字右為麩
末每三錢入薑三片紫蘇五葉煎服空心直指

實脾飲

治水腫膨脹蒼朮白朮厚朴赤茯苓猪苓澤
瀉縮砂香附子枳殼陳皮大腹皮木香別磨

禾取汁各七分右剉作一貼入燈心
一塊煎去滓調木香末服之回春

沈香琥珀丸

治水腫尿澀葶藶子炒郁李仁沈香各
一兩半琥珀杏仁蘇子赤茯苓澤瀉各

五錢右為末蜜丸梧子大麝香為衣每三
十丸至五十丸以蘿蔔子煎湯下辨疑

三仁丸

治木腫喘急大小便不利郁李仁杏仁薏苡
仁各一兩石為末糊丸梧子大米飲下四五

十丸
得效

椒鼓丸

治浮腫神方椒目一錢鼓二七粒巴豆一箇
去皮心熬右研細滴水丸和丸菘豆大溫水吞

下三丸或五丸以微注為度氣盛
者巴豆或二箇或三箇活人心

海金沙散

治脾溼大過腫脹喘急黑丑頭末一兩半
一半炒一半生白朮一兩甘遂五錢海金

沙三錢右為末每二錢煎倒
流水一盞食前調下東丑

一方

治外腎腫大莖物水泡通明方木香流氣飲方
見氣門加白芷木通紫萸葉煎湯吞下青木香

丸方見前陰
百粒效直指

又方 腫滿後作瘡或發水疱成瘡是脾工崩壞貞平

得效

胃散方見內傷 細末清油調什溼則乾糝立愈

可治不治證

凡浮腫陰囊軟者可治 入門。患腫人腹 上以手按之有窩者可治 醫蓋。腫滿善

證男從上而腫下女從下而腫上所患未久旋利 腫退喘定則愈矣 得效。男從腳下腫而上女從

頭上腫而下皆不治。男從腳下女從頭上腫起 皆為逆陰陽微妙如此 入門。大凡虛腫先起於

腹而後散於四肢者可活先起於四肢而後歸於 腹者不治。至若蠱脹而肚上有青筋。腹滿而

大便滑泄。久瘕而轉作虛浮。與夫唇黑傷肝 缺盆平傷心臍突傷脾足心平傷腎背平傷肺皆

為不治之證。或肉硬或手掌平皆不治 直指。唇腫齒焦者死。卒唇腫而蒼黑者死。掌腫無

紋者死。臍腫凸出者死。缺盆平者死。陰囊 莖俱腫者死。脉絕口張足腫者死。足跌腫膝

如斗者矣正傳。凡水腫大喘氣急不食乃腎水盈溢上行傍浸於肺也不治得效

禁忌法

凡水腫惟忌鹽雖毫末許不得入口若無以為味即水病去後宜以醋少許調和飲食不能忌

鹽勿服藥果欲去病切須忌鹽得效。尤忌鍼刺

犯之流水而死。凡水腫極忌甘藥助濕作滿入

門。病嗽及水

全宜禁鹽本州

單方

凡二十種有桑白皮飲二氣散雞醴飲

桑柴灰汁

桑柴灰水淋取清汁煮赤小豆作粥常服大下水脹本州

桑白皮

治水腫喘急桑白皮四兩青梁米四合同煮爛取清飲名桑白皮飲入門

白朮

治四肢腫滿白朮三兩剉大棗三枚右水煎服日三四綱目

澤瀉

逐膀胱三焦停水或剉煎服或為末白湯調下日二三本州

葶藶子

治頭面手足虛腫又治水氣喘急葶藶子隔
紙炒為末棗肉和丸小豆大麻子煎湯下十

丸日三東垣。治水腫葶藶二兩為細末防己末

四兩綠頭鳴切頭瀝血於臼中令血盡納藥末和

鷓頭更搗五千杵丸如梧子空心白

湯下十九丸此藥利小便如神本州

商陸

能為十種水病取白色生根細切
雜生鯉魚煮作羹湯服之本州

牽牛子

治水氣蠱脹白丑黑丑頭末各取二錢大麥
麩四兩和作燒餅臨臥茶清嚼下降氣為驗

名曰二氣散正傳。水屬腎行腎之水無如黑牽

牛取細末入於猪腎慢火煨熟而溫酒嚼下則借

腎入腎兩得其便惡水直指

單麻子

治十種水氣五蠱瘴氣單麻子去殼用麻布
包壓去油薄攤在木杓內仰放在鍋中水面

上以蓋合住煮二十餘沸以藥無白色為度取出
每服六錢滾水化開空心溫服不過二三劑以小

便大利為效 醫鑿

郁李仁

治木腫腹脹喘急大小便祕澀郁李仁一兩研取汁薏苡仁末二合和煮粥食之入門。

又方郁李仁一合為末和麪作燒餅與喫即大便通利氣便差 本州

鯉魚

治水腫脚滿氣急鯉魚肉十兩蔥白一握麻子一升取汁煮作羹人鹽豉薑椒調和空心食之入門。又方大鯉魚取肉赤小豆二升以水一斗

同煮取二升許汁去滓分二服當下利即差 本州

螻蛄

治十種水病腫滿喘促生土狗一箇手足全者研細入縮砂末等分老酒調下 直指。又方五

月五日取螻蛄不以多少不可見日焙乾每一病以七箇為度先用七箇頭治上次用腹治中次用足治下皆為末空

心好酒調下 丹心

黑豆

治浮腫黑豆一升水五升煮取三升汁去滓納酒五升更煮取三升去滓分三服不差再合服

赤小豆

治水肿下水氣和桑白皮或通州煮服之。又方赤小豆五合胡一頭生薑三錢並碎白

色商陸一條切同水煮豆爛湯成去葫薑商陸只細嚼豆空腹食之旋旋噉汁令盡腫立消便止本州

冬瓜

木病初得危急冬瓜不限多少任喫神效或取汁服久病忌之綱目

苦瓠瓢

治浮腫下水取白瓢實捻如大豆粒以綿裹煮一沸空心服七枚水自出不止大瘦乃差

三年內慎口味本州苦瓠須擇用細理潔淨者不爾有毒綱目

雞屎

治木腫氣腫溼腫皆效乾雞糞一升炒黃好清酒三椀淬下煮作一椀濾去滓令飲之少頃腹

中大轉動作鳴從大便利下於膝腳及臍上下先作皺起其腫漸消病未盡再服一劑以田螺二枚

滾酒淖熟食之即止名雞醴飲醫鑑

青頭鴨

治十種水病垂死青頭鴨一隻治如食法和米并五味煮令極熟作粥空腹食之白鴨亦

好本州○鴨頭能利水而涼血故也入門

蝦蟆

治水腫鼓脹如神大蝦蟆一箇以緇砂七粒推入其口使吞入腹用罐子盛鹽泥封固炭火煨

通紅烟盡取出候冷去泥研為末作一服或酒或

陳皮湯送下候散屁多乃效即下金○又方治水

腫脹滿癩蝦蟆二三枚裝在雄猪肚內酒煮一伏

時去蝦蟆將肚與酒食盡大便屁如雷或水下其

腫自消

醬

猪肝

治浮腫脹滿猪肝一具細切以醋洗蒜

薑食之又以熟水煮單喫亦可本州

豨肉

治十種水不差垂死豨肉半斤切粳米三合水

三升入蔥椒薑豉作粥食之○又作羹臠食之

下水大

效本州

鍼灸法

四肢及面皆浮腫灸水分氣海即消。水腫惟得鍼水溝餘穴則鍼之水盡即次庸醫多為人

鍼水分殺人多矣惟灸水分最為要穴蓋此穴能分水不使妄行有人患水腫灸水分與氣海翌日

面如削矣資生

脹滿

脹滿之源

帝曰脹者焉生條因而有岐伯曰衛氣之在身也常然並脉循分肉行有逆順陰陽相隨

乃得天和五藏更始四時有序五穀乃化然後厥

氣在下榮衛留止寒氣逆上真邪相攻兩氣相搏

乃合為脹也榮氣循脉衛氣逆為脉脹衛氣並脉

循分為膚脹靈樞。凡人七情內傷六淫外侵飲

食失節房勞致虛脾土之陰受傷轉輸之官失職

胃受水穀不能運化故陽自升陰自降而成天地

不交之否於是清濁相混隧道壅塞氣化濁血瘀

鬱為熱熱留而久氣化成溼溼熱相生遂成脹滿

經曰鼓脹是也以其外雖堅滿中空無物有似乎
 鼓其病膠固難以治療故又名曰蠱若虫侵蝕有
 蠱之義丹心。飲食不節起居不時者陰受之陰
 受之則入五藏入五藏則膜滿閉塞內經。濁氣
 在上則生臌脹註曰濁氣謂寒氣也寒氣在上聚
 而不散則成脹內經。足太陰之脉病腹脹足陽
 明之脉病亦腹脹靈樞。太陰所至為畜滿脾為
 陰中之太陰無陽則不能化五穀乃大寒為脹滿
 故脉經云胃中寒則脹滿此之謂也東垣。凡脹
 初起是氣久則成水治比水腫更難蓋水腫飲食
 如常鼓脹飲食不及常病根深痼必三五年而後
 成疔腫氣補中行溼足矣治脹必補中行溼兼以
 消導更斲鹽醬音樂安想
 不責速效乃可萬全入門

脹滿形證

中滿腹脹者其面目四肢不腫而腹肚脹起
 中空似鼓者是也醫鑿。臍腹四肢悉腫者

為水但腹脹四肢不甚腫者為蠱蠱即脹也本事
 ○腹滿臌脹支膈肢脇下厥上胃過在足太陰陽

內經 ○ 脹有虛實虛脹為邪吐利不食時脹時
減按之則陷而軟 ○ 實脹陽熱為邪身熱咽乾常
脹內痛按之不得而硬入門 ○ 腹滿按之不痛為
虛痛者為實可下之 ○ 腹脹時減復如故此為寒
宜溫之 ○ 腹滿不減減不
足言須當下之 仲景

脈法

其脈大堅以瀉者脹也 靈樞 ○ 脈盛而緊曰脹 內
經 ○ 脹滿脈弦脾制於肝洪數熱脹遲弱陰寒浮

為虛滿緊則中實浮則可治虛則危急 脈訣 ○ 關
上脈虛則內脹 ○ 遲而滑者脹 ○ 虛而緊澁者脹
○ 或弦而遲或浮而數皆脹也 正傳 ○

諸氣脹滿浮大可療虛小難保 得效

脹病有七

夫脹者皆在於藏府之外排藏府而郭胃脇
脹皮膚故命名名脹 靈樞 ○ 脹有寒脹熱脹穀

脹水脹氣脹血脹蠱脹 ○ 脹病亦謂鼓脹 ○ 其脇

痛面黑是氣鼓 ○ 脇滿小腹脹滿身上有血絲縷

是血鼓 ○ 噎氣作酸飽悶腹脹是食鼓 ○ 惡寒手

足厥冷瀉去清水是水鼓 ○ 胃腹脹滿有塊如鼓

者是痞散

成鼓回春

者腹滿濡時減吐利

厥冷宜溫之得效

者以陽并陰則陽實陰虛陽盛生外熱陰虛生內

熱脈必浮數浮則為虛數則為熱陰虛不能宜導

飲食如故腹中脹

滿者為熱脹得效

失飢傷飽痞悶停酸朝則陰消陽長穀氣易行散

能食暮則陰長陽消穀氣難化故不能食是為穀

脹

寒脹

熱脹

穀脹

水脹

氣脹

血脹

脾土受溼水漬於腸胃而溢於皮膚

漉漉有聲怔忡喘息是為水脹直指

七情鬱結氣道壅塞上不得降下不得

升身體腫大四肢瘦削是為氣脹直指

煩燥漱水迷忘驚狂痛悶嘔逆小便秘

大便黑婦人多有之是為血脹直指

脹滿治法

適寒涼者脹下之則脹已內經。中滿者瀉

脹多而熱脹少也內經。諸腹脹大皆屬於熱大槩寒

虛之甚必須遠音樂斷厚味大劑人參白朮佐以

陳皮茯苓蒼朮之類丹心。治法理宜補脾又須

養肺金以制木使脾無賊邪之慮滋腎水以制火

使肺得清化之令卻鹽味以防助邪斷妄想以保

母氣無有不安醫者不察病源急於取效病者苦

於脹急喜行利藥以求一時之快殊不知寬得一

日半日其脹愈甚病邪甚矣真氣傷矣去疾不遠

此病之起固非一季根深蒂固欲取速效自求禍

耳知王道者可與語此也丹心。凡腹脹須用薑

製厚朴初得是氣脹宜行氣疎導之劑木香檳榔

枳殼青皮陳皮之類久則成水脹宜行溼利水之

劑蒼朮白朮茯苓澤瀉防己之類正傳。肥人腹

脹是溼宜蒼朮茯苓滑石澤瀉。瘦人腹脹是熱

宜茯苓連翹子厚朴。色白人是氣虛宜人參白朮

白茯苓陳皮正傳。中滿比脹稍輕俗云倒飽是

穀脹

也。詳見內傷。○脹有穀脹水脹。氣脹血脹。又有寒脹熱脹蟲脹。宜雞矢醴散。

雞矢醴散

治穀脹朝食則不能暮食。又治氣脹水脹。及蠱脹。雞矢白乾者。大黃桃仁各等分。右為末。每二錢薑湯調服。宜明。○一方。鴉雞屎一斤。

大異香散

治穀脹亦治氣脹。三稜蓬朮青皮陳皮藿香半夏麴桔梗益智仁香附子枳殼各一錢。甘州二分。半右剉作一服。人薑五棗二水煎服。人門。

水脹

宜防已椒蘆丸。木香散。椒豉丸。方見浮腫。

防已椒蘆丸

治水脹。凡脹病腹滿口舌乾燥。此腸胃間有水氣也。防已椒目葶蘆子炒大黃。

各一兩右為末蜜丸梧子大

白湯吞下十丸日三仲景

木香散

治水腫木香大戟白丑頭末各等分右為細末取猪腰子一隻批片糝藥末二錢在內煨

熟空心細嚼溫酒送下如食右腰子則塌右臂食左腰子則塌左臂而臥如未全愈則於肚上滿塗

甘遂末卻飲甘州

湯則便去易老

氣脹

宜三和湯分心氣飲方見氣門氣鍼丸金蟾散

三和湯

治氣脹大小便不利白朮陳皮厚朴各一錢檳榔紫蘇葉各七分半木通大腹皮白茯苓

枳殼海金沙甘州各五分右剉作一貼薑三木煎服綱目一名絮矩三和湯正傳

氣鍼丸

專治氣膨薑黃青皮各一兩木香丁香胡椒全蝎肉豆蔻煨各五錢右為末蘿蔔子二兩

爛研和勻用紅酒生薑汁各少許煮糊和丸梧子大以紫蘇葉陳皮煎湯下四五十丸得效

金蟾散

治氣鼓如神大蠟蟻一箇以縮砂推入其口使吞入腹以滿為度用泥罐封固火煨通紅

燴盡取出候冷去泥細研末為一服或酒或陳皮湯調下候散屁多乃見其效

醫鑿

血脹

宜人參芎歸湯散
血消腫湯桃奴丸

人參芎歸湯

治血脹是瘀血凝聚成脹滿也川芎二錢當歸半夏各一錢半蓬朮木香縮砂

烏藥甘州各一錢人參桂皮五靈脂各五分右剉作一貼入薑五棗二紫蘇葉四片水煎服直指

散血消腫湯

治血脹煩燥漱口與上人參芎歸湯同而無烏藥有芍藥耳

入門

桃奴丸

治血脹及婦人月經不通漸成脹滿與男子血蠱病同桃奴猴鼠糞玄胡索肉桂香附子

五靈脂縮砂桃仁各等分右為末每二錢溫酒調下正傳

俗方

或醋糲和丸梧子大醋湯下三五十九

寒脹

宜中滿分消湯溫胃湯順氣木香散厚朴橘皮煎

中滿分消湯

治中滿寒脹大小便不通益智仁半夏木香赤茯苓升麻各七分半川芎人參

青皮當歸柴胡生薑乾薑華澄茄黃連黃芩吳茱萸
黃艸豆蔻厚朴各五分石剉作一貼水煎服丹心

溫胃湯

治胃氣虛冷脹滿食不下乾薑炮一錢半附子炮半夏麴厚朴人參陳皮甘艸炙當歸各

二錢二分半川椒炒一錢
右剉作一貼水煎服

順氣木香散

治寒脹心腹刺痛面黃氣瘦或泄瀉縮砂丁香皮良薑乾薑炮肉桂陳皮厚朴

桔梗茴香炒蒼朮炒各一錢甘艸炙五分右剉作一貼入薑三棗二水煎服或為末鹽沸湯點服

二錢
得效

厚朴橘皮煎

治傷冷腹肚墮脹如覆枵喘息奔急厚朴三兩枳殼乾薑良薑各一兩二錢

青皮陳皮肉桂全蝎各七錢右爲末醋糊和

丸梧子大生薑橘皮湯下三五十九得效

熱脹

宜七物厚朴湯枳殼
剉散中滿分消丸

七物厚朴湯

治熱脹厚朴三錢枳實一錢半大黃甘
艸各一錢桂心五分右剉作一貼薑五

棗二煎

服得效

枳殼剉散

治熱脹厚朴枳殼桔梗各二錢大黃蒸甘
艸炙各一錢右剉作一貼薑五棗二水煎

服直指

中滿分消丸

治中滿鼓脹及氣脹水脹然只治熱脹
不治寒脹厚朴一兩人參白朮薑黃黃

芩黃連枳實半夏各五錢知母四錢澤瀉陳皮各

三錢白茯苓縮砂乾生薑各二錢猪苓甘草各一

錢右爲末水浸蒸餅和丸

梧子大熱湯下百丸丹心

蠱脹

宜消蠱湯消脹飲
子諸蠱保命丹

消蠱湯

治氣作蠱脹但腹脹而四肢頭面不腫半夏
蘿蔔子炒甘艸炙各七分半紫蘇莖葉縮砂

肉豆蔻枳殼青皮陳皮三稜蓬朮檳榔官桂白豆
蔻萼澄茄木香各五分右剉作一貼薑三棗二煎
服直指

消脹飲子

治蠱脹單腹脹猪苓澤瀉人參白朮赤茯
苓半夏陳皮青皮厚朴紫蘇葉香附子縮

砂木香檳榔大腹皮木通蘿蔔子甘艸各
五分右剉作一貼薑五棗二水煎服醫鑿

諸蠱保命丹

治蜘蛛蠱脹肉菴蓉三兩青礬紅棗香
附子各一斤麥芽一斤半並為末先將

菴蓉棗礬入罐內同火煨烟盡和藥末糊丸梧子
大每一二十九丸食後酒下○勞單腹腫大而四肢
極瘦者名曰蜘蛛蠱古方雖有八物湯方見虛勞
去地黃倍參朮加黃連厚朴及諸蠱保命丹蝦蟆

煮肚法 見上浮腫然此皆脾氣

虛極真藏已傷病也不治 入門

脹滿通治藥

宜半夏厚朴湯廣朮潰堅湯濟生紫蘇子湯大正氣散四香散撞關飲子沈香飲分

消湯四聖丸木香檳榔丸四炒枳殼丸木香
分氣丸消脹丸木香消脹丸華澄茄丸 諸方

半夏厚朴湯

通治脹滿諸證半夏一錢厚朴八分神

猪苓升麻各四分肉桂蒼朮白茯苓澤瀉柴胡陳

皮生黃芩艸豆蔻生甘艸各三分木香青皮各二

分吳茱萸黃連乾生薑各一分桃仁七

箇昆布少許右剉作一貼水煎服 東垣

廣朮潰堅湯

治中滿腹脹內有積聚堅硬如石大小

便澀滯半夏一錢半黃連厚朴黃芩益

智仁艸豆蔻當歸各七分陳皮青皮神麴澤瀉

胡甘艸各五分蓬朮升麻吳茱萸各三分紅花二

分右剉作一貼薑三木煎服○服此藥中
滿減半止有積塊乃服半夏厚朴湯 東垣

濟生紫蘇子湯

治憂思傷脾肺心腹膨脹喘促胃滿腸鳴大小便不利脈虛緊而澀白朮

二錢蘇子人參各一錢大腹皮艸果半夏厚朴木香陳皮枳殼甘艸各五分右剉作一貼入薑三片

煎服 正傳

大正氣散

治風寒暑溼所傷成脹滿白朮蒼朮陳皮厚朴藿香半夏各一錢枳殼檳榔各七分

桂枝乾薑甘艸各五分右剉作一貼入薑五棗二水煎服得效

四香散

治脾氣血氣血壅氣蠱水蠱石蠱腫脹似稍箕木香沈香乳香甘艸各二錢半川芎胡椒

陳皮人參白朮各五錢桂心乾薑縮砂茴香各一兩大茺焙五兩右為細末每二錢陳米飲調下

撞關飲子

治脹滿用此衝開關格使脹自消香附子二錢烏藥一錢二分厚朴一錢縮砂八分

三稜白豆蔻甘艸各五分丁香沈香各三分右剉作一貼入薑三水煎服。又為末紫蘇湯調下二

沈香飲

治腹脹氣喘坐臥不得蘿蔔子炒研二錢沈香木香枳殼各一錢右剉作一貼入薑三片

水煎服得效

分清湯

治中滿成鼓脹滿悶蒼朮白朮陳皮厚朴枳實赤茯苓各一錢香附子猪苓澤瀉大腹皮

各八分縮砂六分木香三分右剉作一貼入薑二片燈心一團水煎服 回春

四聖丸

治小兒心腹虛脹全蝎炒一兩胡椒木香青皮去白各二錢半右為末飯和作丸菜豆大

薑橘湯下五七丸。腹脹由脾胃虛氣攻作也肺

與脾為子母肺主目胞腮之類脾主四肢子母皆

虛則目胞腮腫四肢黃色用塌氣丸漸消

之塌氣丸即四聖丸去木香青皮也 錢

木香檳榔丸

疎導三焦通利大小便下溼痰凝滯則脹滿自消最為神效半夏麩皂角酥炙

去皮弦子郁李仁各二兩木香檳榔枳殼杏仁麩炒青皮各二兩右爲末別以皂角四兩沈燉水搯揉熬膏去滓入煉蜜少許和丸
梧子大薑湯下五七十丸局方

四炒枳殼丸

治氣血凝滯成鼓脹積聚枳殼米消浸去瓢切片四兩分作四分○一分蒼朮

一兩以水同煮乾炒黃色去蒼朮○一分蘿蔔子

一兩以水同煮乾炒黃色去蘿蔔子○一分茴香

一兩以水同煮乾炒黃色去茴香○一分乾漆一

兩以水同煮乾炒黃色去乾漆○香附子醋浸炒

二兩○三稜蓬朮各二兩童便並浸一宿次日用

去殼巴豆三十粒同水煮乾炒黃色去巴豆不用

○右爲末用前同炒蒼朮蘿蔔子茴香乾漆同煮

取汁好醋一椀打麪糊和丸梧子大米飲下七九

同春

木香分氣丸

治脾胃不和腹脇膨脹痰嗽喘急飲食不化木香檳榔青皮蓬朮乾生薑當歸

薑黃玄胡索白朮枳殼三稜赤茯苓陳皮肉豆蔻
右為末麪糊和丸小豆大薑湯吞下三五十九丸

消脹丸

快氣寬中除脹消食黑丑頭末蘿蔔子炒木
湯下三五十九丸
一名小檳榔丸 得效

木香消脹丸

治脹滿蘿蔔子炒二兩陳皮大腹皮枳
殼桑白皮蘇子炒香附子各一兩檳榔
五錢木香二錢半右為末麪糊和丸梧
子大薑湯或棗湯下五七十九丸

華澄茄丸

治痞滿脹滿穀脹氣脹華澄茄白豆蔻縮
砂青皮蘿蔔子木香陳皮各七錢半肉豆
蔻茴香桂皮丁香各三錢七分半右為末麪
糊和丸梧子大陳皮湯下三五十九丸

濁氣在上則生臙脹

內子山清氣在下則生癢泄濁氣
寒在上焦則水穀滯微之氣不能運化鬱結而為
脹滿。一人患脹夜分尤甚脈弦而細正是濁氣

在上注順脹也先灸中脘穴名引胃中注發之氣
上行陽道後以木香順氣湯服之良愈實鑿○吳

茱萸湯沈香交參

丸亦治此證丹心

木香順氣湯

厚朴白茯苓澤瀉半夏各一錢蒼朮八分青皮陳皮各六分艸豆蔻人參當歸

各五分益智仁吳茱萸各三分木香乾生薑升麻

柴胡甘艸各四分右剉作一貼入薑三水煎服實

鑿○經曰留者行之結者散之以柴胡升麻之苦

平行少陽陽明二經發散清氣運行陽分爲君以

生薑半夏艸豆蔻益智仁之辛甘大熱消散中寒

爲臣以厚朴木香蒼朮青皮之苦辛大溫通順滯

氣當歸人參陳皮之辛甘溫調理榮衛滋養中氣

氣之薄者陽中之陰茯苓甘艸澤瀉之氣薄導引

濁陰之氣自天而下故以爲佐濁氣不降以苦泄

之吳茱萸苦熱泄之者也故以爲使氣味相合散

之泄之上之下之使清濁

之氣各安其位也寶鑿

吳茱萸湯

治濁氣在上生臍脹又陰盛生寒腹滿臍脹常如飽不欲食飲吳茱萸厚朴官桂黃

薑各一錢白朮陳皮川椒炒各五分右剉作一貼水煎服。或為末每二錢薑湯點服類聚

沈香交參丸

治濁氣在上生臍脹吳茱萸大黃酒浸各一兩厚朴五錢沈香白朮陳皮各三

錢白茯苓澤瀉當歸木香青皮各二錢右為末湯浸蒸餅和丸梧子大溫水下七八十丸丹心

傷寒熱病腹脹滿

詳見寒門

脹滿乃真臟病也

脹滿由脾虛之極乃真臟病也如反胃勞瘵亦然皆真臟病也凡人之病

真藏不病則五行相生相制以過於平雖不服藥而自愈如火極傷金則有水以制之有土以生之如木極克土則有金以制之有火以生之所謂亢則害承遇制也雖然亦有惡藥忌醫而誤之者蓋正氣與病邪不相兩立一勝則一負久則病劇正脫而不免於死然則有病不服藥可乎不用醫可

脹滿泄瀉

腹脹經久忽瀉數升晝夜不止服藥不驗乃為氣脫最難收取益智仁濃煎湯服之立愈

入門

外敷法

治積聚脹滿血蠱等病
空外敷神膏及外敷藥

外敷神膏

大黃朴硝各四兩麝香一錢為末每二兩和大蒜搗成膏敷患處
入門

外敷藥

治腹脹硬如石先用熱水嚼甘州嚙下次用大戟芫花甘遂海藻等分為末醋調遍塗腹

上神效
得效

可治不可治證

脹滿得之未久或脹或消腹皮稱軟不泄不喘隨治隨差若臍心突起利後腹

脹急久病羸乏喘息不得安名曰臍腎俱敗不治得效
○腹脹身熱脈大是一逆也
○腹鳴而滿四

肢清泄其脉大是二逆也。腹大脹四未清脫形也。泄甚是三逆也。腹脹便血其脉大時絕是四逆也。泄不治靈樞。腹滿咳逆不得小便不治。腹大滿而下泄不治。得效。脹滿或兼身熱或兼如瘥皆不可治。綱目。久病羸乏卒然脹滿喘息不得與夫臍心突起或下利頻頻未見一愈者耳。直

單方

凡寸四種

厚朴

治腹脹乃結者散之神藥也。湯液。有人心腹脹滿只以厚朴細剉薑製每取五錢或七錢薑

七片同煎服滓又煎服五六次即愈。資生。腹脹必少佐以厚朴者蓋其味辛能散以氣聚上焦故也。丹心。

大戟

治腹取大棗一斗置鍋內與大戟同水煮熟去大戟不用旋旋吃棗無時棗盡即效。易老。

鷓鴣屎

治腹滿取屎炒黃色作末每一錢溫水調下即效。雷公云體寒腹大至賴鷓鴣屎是也。本

蝦蟆

治蠱脹取一箇去內腸入蜈蚣七枚
新瓦上焙焦乾為末糊丸酒服

雞屎

治穀脹及諸脹取尿白炒黃
湯漬之取清汁服之

黑豆

和桑柴灰汁煮服下
水鼓腹脹效

赤小豆

下脹滿以桑柴灰水
煮作粥常服

紫蘇莖葉

治心腹脹滿煮作
飲如茶常服

蔓菁子

治心腹脹取一合搗爛水一升和
一盞頓服或自吐或利或汗腹中自寬

蘿蔔子

治脹滿炒研水煮如茶常服
蘿蔔取子陳根煮服亦佳

大麥麩

治脹常食最佳
麥飯亦好

桑枝茶

下氣消脹常服最佳
和赤豆作粥亦良

烏牛尿

治久患氣脹取熟尿空心服一升日一服氣散即止 本洲

椒目

治水蠱能行水作末溫水調一錢服之 本洲

鍼灸法

腹中膨脹取內庭。水蠱取偏歷。鼓脹取臍上下左右各刺二寸二分。單蠱脹取水分。鍼入二寸半或灸五十壯。脹滿取足三里瀉之。凡脹皆取三里是脹之要穴也。又取中腕氣海或鍼或灸 綱目

消渴

消渴之源

內經曰二陽結謂之消註曰二陽結謂胃及大腸俱熱結也腸胃藏熱則喜消水穀也。

手陽明大腸主津液所生病熱則目黃口乾是津液不足也足陽明胃主血所生病熱則消穀善飢血中伏火是血不足也結者津液不足結而不潤皆燥熱為病也 東垣。消者燒也如火烹燒物理

者也 入門 ○心移寒於肺為肺消肺消者飲一洩
二灰不治 註曰金受火邪肺藏洩燥氣無所持故
飲一而洩二也 內經 ○心移熱於肺傳為膈消 註

曰心肺兩間中有斜膈膜膈膜下際內連於橫膈

膜故心熱入肺久久傳化內為膈熱消渴而多飲

也 內經 ○瘵成爲消中 註曰瘵謂消熱病也多飲

數洩謂之熱中多食數洩謂之消中 內經 ○尸消

瘵肥貴人則膏粱之疾也此人因數食甘美而多

肥故其氣上溢轉爲消渴 註曰食肥則腠理密而

陽氣不得外泄故肥令人內熱甘者性氣和緩而

發散逆故甘令人中滿然內熱則陽氣炎上炎上

則欲飲而嗑乾中滿則陽氣有餘有餘則脾氣上

溢故轉爲消渴 內經 ○喜渴者由心熱也心主便

汗便汗出多則腎中虛燥故令渴凡夏月渴而汗

出多則小便少冬月不汗故 聖惠

小便多皆平人之常也 聖惠

消渴形證

渴病有三曰消渴曰消中曰消腎 ○熱氣上
騰心虛受之心火散漫不能收斂腎中煩燥

舌赤唇紅此渴引飲常多小便數而少病屬上焦
謂之消渴。熱蓄於中脾虛受之伏陽蒸胃消穀
善飢飲食倍常不生肌肉此渴亦不甚煩小便數
而甜病屬中焦謂之消中。熱伏於下腎虛受之
腿膝枯細骨節痠疼精走髓虛引水自救飲水不
多隨即尿下小便多而濁病屬下焦謂之消腎。
自消腎而折之又有五石過度之人真氣既盡石
勢獨留陽道與強不交精泄謂之強中消渴輕也
消中甚焉消腎又甚焉若強中則其熒可立待也
直指。上消者肺也又謂之膈消多飲水而少食
大便如常小便清利。中消者胃也渴而飲食多
小便赤黃。下消者腎也小便濁淋如膏油之狀
面黑耳焦而形瘦。易老。渴而多飲為上消消穀
善飢為中消渴而尿數有膏油為下消。綱目。五
藏六府皆有津液熱氣在內則津液竭少故為渴
夫渴者數飲水其人必頭目眩背寒而嘔皆因裏
虛故也。幾聚。飲水而安睡者實熱也。
飲水少傾卽吐者火邪假渴耳。入門

脉法

經○消渴脉實大病久可治脉懸小堅病久不可治
難經○消渴脉當得緊實而數反得沈澁而微者死
○消渴脉數大者活細小浮短者死脉訣○

心脉滑為渴滑者陽氣勝也○心脉微小為消瘵

○脉數大者生沈小者死脉經○心脉滑甚為喜

渴聖惠○跌陽脉數胃中有熱即消穀引飲大便

必堅小便即數仲景○消

渴脉宜數大忌虛小醫鑒

消渴有三

上消者舌上赤裂大渴引飲膈消是也白虎
加入參湯主之也○人參白虎湯治能食而渴

若不能食而渴宜加味錢氏白朮散又麥門冬飲

子降心湯人參石膏湯清心蓮子飲和血益氣湯

生津養血湯黃芩湯皆治上消○中消者善食而

瘦自汗大便硬小便數所謂瘵成為消中者是也

調胃承氣湯方見寒門加減三黃丸方見火門主

之又蘭香飲子生津甘露湯順氣散人參散黃連

猪肚丸藕汁膏皆可用○下消者煩燥引飲耳輪

焦乾小便如膏腿膝枯細所謂焦煩水易虧者是

也六味地黄丸主之方見虛勞又宜人參茯苓散

加減八味丸方見五藏加減腎氣丸補腎地黄丸

鹿茸丸諸方○養肺降火生血為主分上中下治

之丹心○三消多屬血虛不生津液宜以四物湯

方見血門為主治上消加人參五味子麥門冬天

花粉煎入牛乳汁生地黃汁生藕汁酒客生葛根

汁調服○中消加知母石膏寒水石滑石○下消

加黃栢知母熟地黃五味子丹心○消渴病小便

反多如飲水一斗小便亦一斗

腎氣丸方見虛勞主之仲景

加味錢氏白朮散

治消渴不能食又治消中善飢乾葛二錢人參白朮白茯苓藿香甘

艸各一錢木香柴胡枳殼五味子

各五分右剉作一貼水煎服得效

麥門冬飲子

治膈消麥門冬二錢知母天花粉人參五味子葛根茯苓生地黃甘艸各一錢

右剉作一貼入竹葉

十片水煎服丹心

降心湯

治心火上炎腎水不濟煩渴引飲氣血日消
天花粉二錢人參遠志當歸熟地黃白茯苓

黃芪蜜炒五味子甘州各一錢右

剉作一貼入棗二水煎服得效

人參石膏湯

治膈消石膏四錢知母二錢三分人參
一錢七分甘州一錢三分右剉作一貼

水煎服
保令

清心蓮子飲

治心火上炎口乾煩渴小便赤澀蓮子
二錢赤茯苓人參黃芪各一錢黃芩車

前子炒麥門冬地骨皮甘州各

七分右剉作一貼水煎服 局方

和血益氣湯

治消渴小便數舌上赤脉肌體枯瘦黃
栢酒洗升麻各一錢生地黃酒洗黃連

酒洗各八分石膏杏仁桃仁各六分知母防已羌

活各五分當歸梢四分柴胡麻黃根生甘州炙甘

艸各三分紅花少許右

剉作一貼水煎服 東垣

生津養血湯

治二消當歸白芍藥生地黃麥門冬各一錢川芎黃連各八分天花粉七分知

母黃柏並蜜炒蓮肉烏梅薄荷甘州

各五分右剉作一貼水煎服

醫鑑

黃芩湯

治上消片苓梔子桔梗麥門冬當歸生地黃天花粉乾葛人參白芍藥各一錢右剉作一

貼入烏梅一箇

水煎服 回春

蘭香飲子

治消渴善食而瘦二便結數石膏三錢知母一錢半生甘州防風各一錢炙甘州人

參蘭香葉連翹白豆蔻桔梗升麻各五分半夏二分右為末蒸餅糊調成餅晒乾為末每二錢淡薑

湯調下 入門

生津甘露湯

治消中能食而瘦大便燥小便數石膏

知母酒黃芩炙甘州各八分當歸身六分升麻四

分防風防已生地黃生甘州各三分杏仁十箇桃

仁五箇紅花少許右剉作一貼水二盞煎至一盞
加酒一匙稍熱服不拘時。一名清涼飲子 東垣

順氣散

治消中能飲食小便黃赤以此散利至不飲
食而愈厚朴一錢半大黃三錢枳實一錢右

剉作一貼水煎

服不拘時 丹心

人參散

治消中滑石二兩寒水石甘艸各一兩石膏
五錢人參二錢半右為末每取二錢溫水調

下子和

黃連猪肚丸

治消渴消中亦治強中證雄猪肚一箇
黃連五兩麥門冬知母瓜萋根各四兩

右四味為末入猪肚內以線封口置甑中蒸爛於
石臼中令搗爛入蜜少許作丸梧子大米飲下百

丸 正傳

藕汁膏

治胃熱消中藕汁 白藕生地黄汁牛乳汁和
黃連天花粉末佐以薑汁白蜜為膏以匙抄

取徐徐留舌上以白湯送下日三四次丹心

人參茯苓散

治腎消尿濁如膏滑石寒水石各一錢半甘艸七分赤茯苓乾葛黃芩薄荷大

黃各五分連翹三分人參白朮澤瀉桔梗梔子天花粉縮砂各二分右剉作一貼水煎服醫鑿

名人參散東垣

加減腎氣丸

治腎消口燥煩渴兩腳枯瘦熟地黃二兩牡丹皮白茯苓山茱萸五味子澤瀉

鹿茸山藥各一兩肉桂沈香各五錢右為末蜜丸梧子大空心鹽湯下七八十丸丹心

補腎地黃丸

治腎消能降心火益腎水止消渴明耳目黃柏一斤剉同地黃晒乾庄地黃半

斤酒浸二日蒸爛研膏與黃柏拌晒乾白茯苓四兩熟地黃天門冬人參甘菊各二兩條芩酒炒當

歸枳殼麥門冬片芩庄各一兩右為末水丸梧子大空心鹽湯下七八十丸丹心

鹿茸丸

治腎虛消渴小便無度麥門冬二兩鹿茸熟地黃黃芪五味子雞朮陸玃麩炒肉苁蓉酒浸

山茱更破故紙炒牛膝酒浸人參各七錢半白茯苓地骨皮玄參各五錢右為末蜜丸梧子大空心

米飲下五七

十九丸丹心

內經曰

食併證

內經曰入腸移熱於胃善食而瘦又謂之食併

易而過不生肌膚也

治法與消中同

消渴小使甜

消渴者腎虛所致每發則小便必甜以物

人之食後滋味皆甜流在膀胱若腰腎氣盛則上

蒸炎氣化成精氣下入骨髓其次為脂膏又其次

為血肉其餘則為小便故小便色黃血之餘也五

藏之氣鹹潤者則下味也若腰腎既虛冷則不能

蒸化穀氣盡下為小便故味甘不

變其色清冷則肌膚枯槁也

消渴由坎火衰少

肺為五藏華蓋若下有煖氣蒸則肺潤若下極則陽不能升故肺乾而

渴易乾上坤下其卦為否陽無陰不降陰無陽不升故成否也譬如釜中有水以火煖之又以板覆則煖氣上騰故板能潤若無火力則水氣不能上升此板終不得潤火力者腰腎強盛常須煖補腎氣飲食得火力則潤上而易消亦免乾渴之患宜服八味腎氣丸即八味丸加五味子也本事實

消渴與腳氣相反

消渴與腳氣雖皆為腎虛所致其為病則相反腳氣始發於二三月盛於

五六月衰於七八月消渴始發於七八月盛於十一十二月衰於二三月其故何也蓋腳氣壅疾也消渴宣疾也春夏陽氣上故壅疾發則宣疾愈秋冬陽氣下故宣疾發則壅疾愈審此二病疾可理也本事實

消渴通治藥

宜滋陰養榮湯活血潤燥生津飲桑白皮湯梅花湯大黃甘艸飲子清神補氣湯黃

天

芪湯天花散黃連地黃湯生地黃飲子門冬飲子
玉泉散玄菟丹三消丸玉泉丸五汁玉泉丸生地

黃膏荔枝膏衛

生天花散 諸方

滋陰養榮湯

治消渴吐津液口燥咽乾當歸二錢人
參生地黃各一錢半麥門冬白芍藥知

母黃柏並蜜水炒各一錢甘艸五分五
味子十五粒右剉作一貼水煎服 入門

活血潤燥生津飲

通治消渴天門冬麥門冬五味子
瓜蒌仁麻子仁當歸熟地黃生地

黃天花粉甘艸各一錢右
剉作一貼水煎服 入門

桑白皮湯

治三消渴疾重根桑白皮 射未老者二錢
白茯苓人參麥門冬乾葛山藥桂皮各一

錢甘艸五分右剉作
一貼水煎服得效

梅花湯

治三消渴利神效糯穀旋炒作曝桑根白皮
厚者細切各五錢右作一貼水煎渴則飲之

不拘時
得效

大黃甘艸飲子

治一切消渴大黃一兩半甘艸大者四兩剉黑豆五升別煮三沸去苦水

右用井水一桶同煮爛令病人食豆飲汁無時不三劑病去宜明

清神補氣湯

消渴證纔愈止有口乾此藥主之升麻一錢半柴胡當歸身荊芥穗防已桃仁

泥各一錢黃栢酒洗黃連酒洗知母生甘艸各五分石膏熟地黃各四分生地黃細辛各二分杏仁六箇川椒二粒紅花少許右剉作一貼水煎服東垣

黃芪湯

治諸渴生乾地黃二錢黃芪茯神天花粉麥門冬各一錢五味子甘艸各五分右剉作一

貼水煎服東垣

天花散

治消渴天花粉生乾地黃各二錢乾葛麥門冬五味子各一錢甘艸五分右剉作一貼東垣

米百粒煎服
直指

黃連地黃湯

治三消黃連生地黃入花粉五味子當歸人參乾葛白茯苓麥門冬甘州各一

錢右剉作一貼薑二棗一
竹葉十片同煎服回春

生地黃飲子

治消渴人參生乾地黃熟地黃黃芪天門冬麥門冬枳殼石斛杷葉無則桑白皮代

之澤瀉各一錢甘州五分右剉作一貼水煎服
此方乃二黃丸合甘露飲材也生精補血潤燥止渴佐以澤瀉枳殼疎導二府使心火下行則小便清利肺經潤澤則大府流暢宿熱既消其渴自止造化精液妙無踰此得矣

門冬飲子

治老虛人消渴麥門冬一錢五味子人參地骨皮白茯苓甘州各一錢右剉作一貼

薑三煎服
元戎

玉泉散

治消渴之聖藥 天花粉二錢 粉葛 麥門冬 生地黃 五味子 甘州各一錢 石剉作一貼 糯米

一合煎

服 醫鑑

玄菟丹

治三消渴利 神藥 禁遺精 止白濁 延年 鬼絲子十兩 酒浸製 五味子七兩 白茯苓 蓮子肉

山藥各三兩 右為末 別研山藥末 三兩 將菟絲子

所浸酒煮糊和丸 梧子大空心米飲下 五七十九丸

○煉蜜和丸

亦佳 得效

三消丸

通治消渴 黃連淨為細末 不以多少 冬瓜搗

取自然汁和作餅 陰乾再為末 再浸再乾至

七次 即用冬瓜汁和丸 梧子大煎大麥仁湯

送下 五七十丸 本事 ○一名瓜連丸 直指

玉泉丸

治消渴 口乾 天花粉 乾葛 各一兩 半麥門冬

人參 白茯苓 黃芪 半生半蜜炒 烏梅 甘州各

一兩 右為末 蜜丸 彈子六

每一丸 溫水嚼下 丹心

五汁玉泉丸

治消渴黃連乾葛天花粉知母麥門冬五味子人參生地黃烏梅肉蓮肉當歸

甘州各一兩右為末別取人乳汁牛乳汁甘蔗汁無則用砂糖梨汁藕汁先將各汁入蜜一斤半煎

成稀膏後將各藥末和前膏熬五七沸每取五茶匙米飲調下日二三忌辛熱之物回春

生地黃膏

治渴通用生地黄二斤蜜一碗白茯苓一兩人參五錢右地黃洗搗取汁同蜜煎至

半次入參苓末拌和磁器盛以匙挑服溫水送下得效

荔枝膏

止消渴生津液乳糖二十六兩清蜜十四兩烏梅肉八兩生薑五兩取汁麝香五分右先

取清蜜烏梅肉以水一斗五升熬至半濾去滓下乳糖熬候糖溶化入薑汁再熬乃入麝和勻每取

一大匙新水調下日二三類聚

衛生天花丸

歌曰消渴消中消腎病三焦五藏生虛熱惟有膀胱冷似冰意中飲水無休歇

小便晝夜不流通骨冷皮焦心肺裂本因飲酒炙
 燂多酒餘色慾勞無節飲水喫食日加增肌肉精
 髓轉枯渴漩甜如蜜滑如油口苦咽乾舌如血三
 消病狀最為危有此仙方真妙訣。黃連童便浸
 三日三兩白扁豆炒二兩蘆薈七錢半辰砂白茯
 苓牡蠣粉知母苦參鐵粉天花粉各五錢金銀箔
 各二十片右為末生瓜萋根汁和生蜜為
 丸梧子大麥門冬湯下三五十九類聚

酒渴

治嗜酒積熱津液枯燥煩渴引飲專嗜令物宜龍
 鳳丸烏梅木瓜湯五豆湯酒蒸黃連丸方見暑門

朱砂黃連丸得效

龍鳳丸

治酒渴山藥菟絲子各二兩鹿茸火燎酒浸
 炙一兩右為末蜜丸梧子大米飲下三五十

丸得效

烏梅木瓜湯

治酒熱消渴烏梅打碎不去仁木瓜各
 二錢麥芽炒艸果甘艸各一錢右剉作

一貼入薑五片
水煎服得效

五豆湯

解酒毒止消渴乾葛甘艸並剉各一斤貫衆八兩黑豆黃豆菉豆青豆赤小豆各一兩右

以水五斗五升臘八日初八日大鍋熬至熟濾去

滓盛磁器封口春夏月開用隨意飲之大人渴後

庄瘡小兒豆瘡不出皆可

飲最妙酒後渴尤好丹心

朱砂黃連丸

治酣飲成消渴黃連三兩生乾地黃二兩朱砂一兩右為末蜜丸梧子大燈心

棗湯吞下三十

五十丸得效

蟲渴

虫在藏府耗其津液而成消渴宜苦練湯得效

苦練湯

治虫渴苦練根皮一握切焙入麝香少許水二盞煎至一盞空心飲之雖困頓不妨自後

下虫三四條其渴頓止乃知消

渴一盞有虫耗其津液也得效

強中證

多因耽嗜色慾或服丹石真氣既脫熱邪獨盛飲食如湯消雪肌膚日削小便如膏油陽強與盛不交精泄三消之中最為難治姑錄一二方聊為備用宜石子薺芫湯黃連猪肚丸得效

石子薺芫湯

治強中證薺芫石膏各一錢半人參茯苓神瓜萋根磁石知母乾葛黃芩甘艸各

一錢右剉作一貼先以水三盞猪腰子一箇黑豆一合煮至一盞半去滓人藥煎至七分去滓食後

服次投下

藥得效

黃連猪肚丸

治同上服上藥後便服此雄猪肚一箇黃連小麥炒各五兩天花粉茯苓神各四

兩麥門冬二兩右為末入猪肚中封口安甌中蒸爛搗爛作丸梧子大米飲下七九十九丸入煉蜜少

許亦可得效

消渴傳變證

消渴之疾未傳能食者必發腦疽背瘡不能食者必傳中滿鼓脹皆為不治之證張

察古老人分而治之能食而渴者白虎加人參湯
方見寒門王之或加減白虎湯不飲食而渴者錢
氏白朮散方見小兒倍加葛根與之或加減白朮
散上中既平不復傳下消矣東垣○或曰未傳癰
疽者何也此火邪勝也其瘡痛甚而不潰或赤水
者是也未傳中滿者何也如上消中消制之太急
寒藥傷胃久而成中滿之疾所謂上熱未除中寒
復生也東垣○消渴久病變成發癰疽或成水病
或雙目失明類聚○甚而水氣浸漬溢於肌膚則
脹為腫滿猛火自炎留於分肉則發為癰疽此又
病之深而證之變者也直指○渴利者謂隨飲即
小便也由腎氣虛不能制水液故隨飲即小便也
以其內熱故小便利小便利則津液竭津液竭則
經絡澁經絡澁則榮衛不行榮衛不行則熱氣留
滯故成癰直也
聖惠

加減白虎湯

石膏二錢半知母一錢人參黃柏各七
分玄參甘艸各五分五味子十粒右剉

作一貼入粳米百粒水煎服醫監

加減白朮散

乾葛二錢人參白朮白茯苓各一錢木香知母黃柏甘艸各五分五味子九粒

右剉作一貼水煎服醫監

消渴須預防癰疽

消渴之人常須慮患大癰必於骨節間忽發癰疽而卒須預防之宜加減

八味丸黃芪六一湯方見暑門忍冬丸長服方見癰疽為妙又益元散方見暑門并水調服入門

加減八味丸

惟止渴亦免生癰疽久服永除渴疾氣

血加壯得效

忍冬丸

渴疾須預防發癰疽忍冬艸不以多少根莖花葉皆可用右剉酒浸糠火煨一宿取出晒

乾入甘艸少許搗為末以所浸酒為糊和丸梧子大酒飲任下百丸此不特治癰疽亦能止渴得效

不治證

內經曰肺消者飲一溲二，二不消，蓋肺藏氣，肺無病則氣能管攝津液，而津液之精微者收養筋骨血脉，餘者為溲。肺病則津液無氣管攝而精微者亦隨溲下，故飲一溲二，而如膏油也。津液下脫，未能榮養，故漸形瘦焦乾也。或問經云：飲一溲二，二不消，仲景復用八味丸治之，何也？曰：飲一溲二，至溲二者，病尚淺，猶可治，故仲景腎氣丸治飲水一斗，小便亦一斗之證。若小便過於所飲，則無及矣。綱目○消渴之餘，傳為脹滿發為癰疽，及強中證，皆不治。綱目

禁忌法

內經曰：熱中消中，不可服膏粱芳艸石藥。○消渴病，宜慎者有三：一飲酒，二房勞，三鹹食及麪。能慎此三者，雖不服藥，亦可自愈。千金○凡消渴大忌飲酒房事及食炙博辛熱鹹藏之物。○百日以上不可鍼灸，鍼灸則瘡中出膿，水不止而灰得效。○渴疾大忌半夏南星燥劑。東垣

單方

凡四
十種

石膏

主消渴搗末取五錢和粳米煮取汁飲本劑

竹葉

止消渴取青葉煮汁飲本劑

滑石

治消渴為末取三錢井水或蜜水調下即益元散也一名神白散
醫醫

地漿

治熱渴心悶取一盞飲之妙本劑

竹瀝

治消渴不拘時恣飲之妙雷公
云久渴心煩宜取竹瀝本劑

麥門冬

治消渴及口乾燥渴去心煮湯飲之本劑

黃栢

主消渴水煎服又作末水丸服之本劑

黃連

治消渴要藥酒浸蒸晒乾為末蜜丸白湯下五七十丸綱目

黃芪

治消渴凡消渴而欲發瘡或病癰疽疔後渴宜多取黃芪煮湯服之妙綱目

葛根

主消渴取五錢水煎飲之又
取生者搗汁飲亦好本艸

瓜蒌根

即天花粉也治消渴之聖藥也
水煮取汁隨意飲之甚佳本艸

漬苧汁

主消渴取生苧水
漬取汁飲之本艸

地骨皮

治消渴水煎服之又
取葉作飲啜之本艸

蚊蛤

即五倍子也最能回津止渴為
末沸湯調下二錢最妙入門

忍冬艸

治消渴水煮熟取汁
四時長服丹心

桑枝茶

療口乾如茶常
服為佳本艸

桑根白皮

主熱渴水煎飲之。黑椹搗濾去滓入石
器中入蜜熬膏每取二三匙沸湯點服止

渴生精
神本艸

牡蠣肉

治酒渴和薑醋生食之俗名石花本州

蚌蛤

止消渴煮食或和薑醋生食並佳本州

鮎魚涎

王三消取涎搜黃連末作丸烏梅湯下五十丸渴頓減本州

田螺

治消渴小便數取螺五升水一斗浸經宿取水飲之每日易水又取螺煮汁飲食肉良本州

生藕

取汁一盞入蜜一合分三服止渴最好綱目

红柿

止渴取啖本州

烏梅

療口乾止消渴作湯和少蜜常啖本州

梨

止消渴取消梨常啖之最治心熱渴本州

獼猴桃

止消渴取霜後熟者常啖之又和蜜作正果尤佳俗方

五味子

止消渴最良作飲常啜之又
作丸久服生津止渴 本州

麻仁

止消渴麻仁一升搗碎之水
三升煮取汁溫涼任服 本州

粟米泔

酸者止消渴甚良常取
飲之泔久留則酸 本州

菘豆

治消渴煮汁飲之或
研取汁服並佳 本州

青梁米

主熱中消渴煮取汁飲之或
煮粥或作飯常食佳 本州

糯米

主消渴海取泔飲之又水研取白泔恣飲之以
差為度。糯稻稈灰淋汁飲之甚妙一人病渴

殆死有人教以糯稻稈斬去穗及根取中心淨器
中燒作灰每取一合湯水一碗沃浸良久澄去滓

取清頓飲之即
取效如神 滄寮

冬瓜

主三消渴搗絞取汁飲之
又作羹作齏常食佳 本州

蓴 主消渴作羹作
羹常食佳 本州

菘菜 治消渴常食最佳或
取汁飲亦可 本州

雄雞湯 治三消渴疾退雄雞湯澄清飲之
神效 醫鑑。白雄雞尤佳 本州

白鵝 主消渴煮取
汁飲之 本州

黃雌雞 主消渴煮熟取汁飲
之肉亦可食 本州

牛乳 主消渴取生乳渴則飲之
又作酪粥常食亦佳 本州

猪肚 止渴利爛蒸和
薑醋食之 本州

黃疸

黃疸之因 經曰溼熱相交民病瘴痺即黃單陽而無陰
也 入門。○諸發黃皆小便不利惟瘀血發黃

小便自利蓋熱結下焦則熱耗津液而小便不利
血結下焦則熱但耗血而不耗津液故小便自利
入門。發黃譬如會麩五疸同歸溼熱蓋溼熱熏
蒸血熱土色上行面目延及爪甲身體俱黃黃即
疸也入門。蓋黃疸者溼熱與宿穀故也俗謂之
食勞黃子和。食勞疳黃一名黃胖夫黃疸者暴
病也故仲景以十八日為期食勞黃者宿病也至
有久不愈者綱目。凡病當汗而不汗則生黃當
利小便而不利亦生黃蓋脾主肌肉四肢寒溼與
內熱相合故也海藏。五疸同是溼熱終無寒熱
之異正傳。脉沈渴欲飲水小便不利者必發黃
仲景。腹脹滿面萎黃躁不得睡屬黃家仲景。
凡時行感冒及伏暑未解宿食未消皆能發黃入
門。時行疫癘亦能發黃殺人最急入門。傷寒
病遇大陽太陰司天若下之太過往往變成
陰黃寒水太過土氣不及故多變此疾海藏。
身痛而色微黃齒垢黃爪甲上黃皆黃疸也

黃疸有五

靈樞

○尿黃赤安臥者曰黃疸註曰安臥而

尿黃赤也內經○日黃者日黃疸內經○已食如

飢者胃疸內經○疸病有五一日黃疸二日酒疸

三日穀疸四日女

勞疸五日黃汗

者小便便面自牙齒肢體如金因暴熱用冷水洗浴

熱留胃中故食已善飢安臥懶動入門○已食如

飢但欲安臥小便如黃

相汁者日黃疸直指

病酒發疸必小便不利其候心中熱足下熱是其

證也仲景○心中懊懣而熱不能食時欲吐名曰

酒疸仲景○酒疸黃色心中結熱而煩脈經○飲

酒常多進食常少心中懊懣鼻燥足熱是謂酒疸

直指

酒疸

黃疸

穀疸

穀疸之為病寒熱不食食則頭眩心中不安久久

發黃仲景○穀疸者食已頭眩腹脹因胃熱大飢

過食停滯所致入門○食則腹滿

怫鬱眩暈心忪是謂穀疸直指

女勞疸

額上黑，微汗出，平足心熱，薄暮則發，膀胱急，小便自利，名曰女勞疸。仲景○大勞當慾大熱，交

接以致發熱惡寒，小腹滿急。直指

是謂色疸，亦曰女勞疸。直指

黃汗

黃汗之病，身腫發熱，汗出而渴，汗出而染衣，色正黃，如黃柏汁，以汗出時入水浴得之。仲景○發熱不

渴，身腫而汗，汗如黃

柏汁，曰黃汗。直指

脉法

五疸實熱脉必洪數，其或微澁證屬虛弱。脉訣○疸脉緩大者順，弦急而堅者逆。直指

黃疸治法

諸疸小便黃赤色者為溼熱，當作溼熱治。仲景○諸疸小便色白，不可除熱者無熱也。若

有虛寒證，當作虛勞治之。仲景

為裏實，宜利小便，或下之，利小便宜茵陳五苓散

下之，宜黃連散。無汗為表實，宜發汗，或吐之，發

汗宜麻黃醇酒湯吐之，宜瓜蒂散。綱目○色如烟

熏黃，乃溼病也。一身盡痛，色如橘子黃，乃黃病也。

一身不痛，溼家之黃色暗不明，熱家之黃如橘子

色甚者勃勃出染著衣如黃柏汁綱目。治黃疸與溼病相似輕則滲利重則大下黃自退矣入門

○黃疸因食積者下其食積其餘但利小便為先小便利自其黃自退丹心

黃連散

治黃疸壅熱二便秘澁大黃醋炒一兩黃芩黃連甘艸各一兩右為細末溫水調下二錢

日二服先用了瓜蒂散搐鼻取下黃水卻服此藥外以生薑茵陳同搗爛遍身擦之丹心

麻黃醇酒湯

治黃疸麻黃一兩好酒一升半煮至半去滓頓服之久用酒春夏用水仲景

黃疸

宜茵陳五苓散茵陳三物湯陶氏茵陳湯加減胃苓湯茵陳散

茵陳五苓散

治溼熱黃疸茵陳一兩五苓散五錢右為末每二錢米飲調下。或剉一兩水

煎服亦可入門

茵陳三物湯

治黃疸小便不利茵陳三錢梔子黃連各二錢右剉作一貼水煎服之入門

陶氏茵陳湯

治黃疸熱盛大便不利茵陳二錢大黃
梔子仁厚朴枳實黃芩甘艸各一錢右

劉作一貼薑二片燈心一握水煎
服小便不利合五苓散服

入門

加減胃苓湯

治黃疸飲食無味行步倦怠脉濇而濡
胃苓湯方見大便去桂加藿香半夏大

腹皮山楂子蘿蔔子三稜蓬朮青皮各五
分右劉作一貼入薑三棗二水煎服 醫鑿

茵陳散

治溼熱黃疸茵陳梔子赤茯苓猪苓澤瀉蒼
朮枳實黃連厚朴滑石各一錢石劉作一貼

燈心一握同煎服 同春

酒疸

宜半溫半熱湯梔子大黃湯葛朮湯酒煮黃連服
方見暑門酒後犯房成疸宜辰砂妙香散

半溫半熱湯

治酒疸半夏赤茯苓白朮各一錢蘿蔔
枳殼大戟甘艸各七分黃芩當歸茵陳

各五分右劉作一貼
薑三片水煎服 活人

梔子大黃湯

治酒疽梔子大黃各二錢枳實一錢
鼓一合右剉作一貼水煎服 仲景

葛朮湯

治酒疽葛根蒼朮各二錢枳實梔子甘艸各
一錢豆豉一合右剉作一貼水煎服 濟生

當歸白朮湯

治酒疽有飲癖心胃堅滿不進飲食小
便黃赤茯苓一錢半蒼朮枳實杏仁

前胡葛根甘艸各七錢半夏七分半當歸黃芩
茵陳各五分右剉作一貼薑三水煎服 三因

穀疽

宜茵陳梔子湯茵陳湯牛黃散子紫金
丹穀疽丸小溫中丸大溫中丸針砂丸

茵陳梔子湯

治穀疽茵陳三錢大黃二錢梔子枳
實各一錢右剉作一貼水煎服 得目

茵陳湯

治穀疽茵陳三錢大黃梔子各
一錢右剉作一貼水煎服 得效

牛黃散子

治穀疽酒疽及水氣蠱脹黑丑取頭未春
八分夏九分秋七分冬一錢。大黃春八

分夏九分秋七分冬一錢。檳榔春八分夏九分
秋七分冬四分。甘艸春八分夏九分秋七分冬

四分○右細末每服三錢五更時面東南
井華水調服疾隨下即愈忌生冷 醫鑑

穀疸丸

治胃暑蒸熱食穀不消熱鬱發黃苦參三兩
州龍膽一兩人參七錢半梔子仁五錢右為

末牛膽汁

一方用猪膽汁

和丸

梔子大以
大麥粥飲

得效

小溫中丸

治食積疸白朮三兩山楂肉青皮蒼朮神
蘇各二兩香附子便製一兩半鐵砂一兩

右為末醋糊和丸梧子大空心鹽湯下七八
十丸脾虛者須以參朮陳首作湯使入門

大溫中丸

治黃疸黃胖黃腫香附子一兩半鐵砂一
兩陳皮蒼朮厚朴青皮三稜蓬朮黃連苦

參白朮各五錢生甘艸二錢製法服法同上○可
借此為制肝燥脾之用○鐵砂代以青礬亦妙

鐵砂丸

治穀疸酒疸溼熱發黃等證鐵砂炒紅醋淬
八兩香附子童便製蒼朮各四兩神麴炒

陳薑汁炒麥芽炒各二兩芍藥當歸生地黃川芎
青皮各一兩半三稜蓬朮並醋煮陳皮各一兩梔

子炒薑黃升麻乾漆炒各五錢右爲末醋
糊和丸梧子大薑湯下六七十九正傳

紫金丹

治食勞氣勞遍身黃腫欲變成水膽礬三兩
黃蠟二兩大棗五十枚右以銀右器內入好

醋三升先下礬棗慢火熬半日取出棗去皮核次

下蠟熬一二時如膏入臘茶末二兩和丸梧子大

每服二三十九丸茶酒任下礬以瀉肝棗以補脾

妙本事○無膽礬用綠礬○一人患酒疸下血面

如蠟服此

即愈本事

女勞疸

宜礬礬散石膏散
秦芩飲子腎疸湯

礬礬散

治女勞疸白礬礬石各一錢右爲末以大麥
粥飲下入門○一方去礬石代滑石治溼

疸入門

石膏散

治女勞疸身黃額黑日晡發熱小腹急足下
蒸石膏煖滑石各等分右爲末每一錢大麥

粥飲調
下得效

秦瓦飲子

治女勞疸秦瓦當歸芍藥白朮桂皮赤茯苓陳皮熟地黃川芎小艸各一錢半夏甘

艸各五分石剉作一貼
薑五片水煎服得效

腎疸湯

治腎疸呂黃尿赤蒼朮一錢升麻羌活防風
藁本獨活柴胡葛根白朮各五分猪苓四分

澤瀉神麴人參甘艸各三分黃芩黃
柏各二分右剉作一貼水煎服
正華

黃汗

宜芪陳湯桂
枝黃芪湯

芪陳湯

治黃汗石膏二錢黃芪赤芍藥茵陳麥門冬
豆豉各一錢甘艸五分石剉作一貼入薑五

片水煎服入門
一名黃芪散 丹心

桂枝黃芪湯

治黃汗黃芪二錢半桂枝芍藥各一錢
半甘艸一錢石剉作一貼好酒三合水

酒疸最重

一盞半煎服得效。一名黃芪桂枝湯。仲景。又名桂枝苦酒湯。入門。

五疸之中惟酒疸變證最多。蓋酒之為物隨人性量不同。有盈石而不醉者。有濡唇而飲亂者。以醞釀而成。有大熱毒滲入百脉。不止發黃而已。溢于皮膚。為黑。為腫。流於清氣道中。則眼黃。鼻翹。種種不同也。得效。

黑疸難治

脾與腎俱病為黑疸。色疸又名女勞疸。身黃額黑。直指。黃家日晡時當發熱。而反惡寒。

此為女勞得之。膀胱急。小腹滿。一身盡黃。額上黑。足下熱。因作黑疸。腹脹如水狀。大便黑。或時澀。此女勞之病。非水也。腹滿者難治。仲景。酒疸因下之。久久變為黑。五日青。面黑。心中如啖蒜齏。狀大便正黑。小便亦或黑。難治。仲景。

陰黃

治陰黃。身面俱黃。肢體沈重。背寒。身冷。心下痞硬。自汗。小便利。脉緊。澗空。虛。此寒涼過度。變陽為陰。

也或遇太陽太陰司天之歲寒溼太過亦變此疾
宜茵陳湯加入六方及茵陳附子乾薑湯綱目
理中湯方見寒門加

茵陳茯苓亦效綱目

茵陳茯苓湯

治陰黃小便不利煩燥而渴茵陳三錢
作一貼加茯苓猪苓滑石當歸官桂各

一錢煎服活人

茵陳橘皮湯

治陰黃煩燥喘嘔不渴茵陳一物湯加
陳皮白朮生薑半夏茯苓各一錢也活人

茵陳附子湯

治陰黃遍身冷茵陳一物湯加
附子炮甘州炙各一錢也活人

茵陳四逆湯

治陰黃肢體逆冷自汗茵陳一物湯加
附子炮乾薑炮甘州炙各一錢也活人

茵陳薑附湯

治陰黃冷汗不止茵陳一物湯加
附子炮乾薑炮各一錢也活人

茵陳吳茱萸湯

治陰黃曾服薑附諸藥未愈脉尚遲
者茵陳一物湯加吳茱萸附子炮乾

薑炮木通當歸各一錢也活人。一人傷寒因下

之太遲發黃脉沈細遲無力次第用藥至茵陳附

子湯大效。一人傷寒發黃脉微弱身

冷次第用藥至茵陳四逆湯大效活人

茵陳附子乾薑湯

治陰黃附子炮乾薑炮各二錢茵陳一錢二分艸豆蔻一錢枳實半

夏澤瀉各五分白朮四分白茯苓橘紅各

三分右剉作一貼薑五片水煎服綱目

疫癘發黃

天行疫癘亦能發黃謂之瘟黃殺人最急宜瘴疽丸茵陳瀉黃湯濟生茵陳湯苦參散諸方

瘴疽丸

治天行病急黃及瘴瘴發黃茵陳梔子大黃芒硝各一兩杏仁六錢常山鼈甲巴豆霜各

四錢豆豉二錢右為末蒸餅和丸梧子大每三丸

或五丸溫水吞下以吐利為效入門。得效方梔

子丸同即今

茵陳丸也

茵陳瀉黃湯

治時氣發熱變為黃疸所謂瘟黃葛根一錢半茵陳黃連薑汁炒梔子炒白朮

赤茯苓白芍藥厚朴木通人參各一錢木香七分右剉作一貼入薑三片水煎服

濟生茵陳湯

治時行熱鬱通身發黃茵陳四錢大黃二錢梔子一錢右剉作一貼水煎服

苦參散

治人無故忽然振寒皮膚黧塵出小便赤澁大便祕諸藥不除因為久黃葶藶子炒五錢

苦參黃連瓜蒂黃柏大黃各二錢半右為末每一錢米飲調服當吐下消息服之得效

搐鼻退黃法

凡黃疽出溼熱毒氣浸入清氣道中宜納藥鼻中滴出黃水即愈宜搐鼻瓜蒂散如

神散

搐鼻瓜蒂散

治黃疽渾身如金色瓜蒂二錢丁香二錢黍米四十九粒赤小豆半錢右為末

臨臥時先含水一口卻於兩鼻孔搐半字便睡至明取下黃水便服黃連散或茵陳五苓散慎不可

吹入本專

如神散

治酒毒發黃苦匏子苦葫蘆子各三七箇黃

黍米三百粒安息香二皂子大右為末取一
字搗入鼻中滴盡黃水若過多則以黍穰
燒灰麝香末各少許搗入鼻中立止得效

黃疸通治藥

黃疸之疾脾受溼熱鬱而不行亦多有腹
脹之候治法大要疎導溼熱於大小便之

中宜胃苓湯方見大便加茵陳及茯苓滲溼湯又

退黃散一清飲石膏茵陳散茵陳大黃湯必效散

退黃丸綠礬丸褪金丸

棗子綠礬丸並可諸方

茯苓滲溼湯

治溼熱黃疸茵陳二錢赤茯苓澤瀉猪
苓各一錢黃連黃芩梔子防己白朮蒼

朮陳皮青皮枳實各五分右剉作一寶鑿

貼水煎服。一名茯苓除溼湯

退黃散

治黃疸身面如金小便如黃栢汁柴胡升麻
州龍膽茵陳黃連黃芩梔子黃栢木通滑石

各一錢甘州五分右剉作一

貼入燈心一握水煎服醫鑿

一清飲

治黃疸柴胡三錢赤茯苓二錢川芎桑白皮各一錢甘艸五分右剉作一貼入薑三棗二

水煎服
入門

石膏茵陳散

治黃疸一身皆黃食已即飢石膏二錢
梔子仁茵陳木通大黃各一錢甘艸五

分瓜萸實一箇右剉作一貼入

薑五蔥白二莖水煎服得效

茵陳大黃湯

治傷寒大熱發黃疸茵陳梔子柴胡黃
柏黃芩升麻大黃各一錢艸龍膽五分

右剉作一貼

水煎服活人

必效散

黃疸通用葶藶子炒艸龍膽梔子黃芩各
一錢茵陳二錢右剉作一貼水煎服直指

退黃丸

治黃疸水腫腹脹溏泄等證青礬二兩鍋內
熔化入陳黃米四升用醋拌勻慢火炒令烟

盡入平胃散六兩同炒少頃去火毒為末醋糊丸
梧子大每七十丸空心臨臥米飲下忌糯米油麪

生冷硬物。此方即周益公陰陽丸也。蓋青礬方
銅之精液用醋製以平肝。愈於鐵砂如服鐵砂必
忌鹽而後復發。青礬則
不忌鹽不復發。入門

綠礬丸

治黃腫病最捷。五倍子炒黑神麴炒黃各八
兩。鐵砂炒紅醋淬。綠礬薑汁炒白各四兩。右

為末薑汁煮棗肉和丸。梧子大溫酒下。六七十丸
不飲酒米飲下。終身忌食蕎麥麴之再發難治

正傳

褪金丸

治黃腫絕妙。鐵砂煨紅醋淬。香附子便浸各
六兩。蒼朮白朮各二兩。半陳皮神麴麥芽各

一兩。半厚朴甘艸各一兩。右為末麴糊和丸。梧子
大米飲下。五七十丸。忌魚腥溼麴生冷等物。有

塊加三稜蓬朮並醋

煮各一兩半 正傳

棗子綠礬丸

治黃疸脾病。鐵砂煨紅醋淬。綠礬炒蒼
朮厚朴陳皮神麴各一兩。甘艸五錢。右

為末蒸棗肉和丸梧子大米飲下五七十九丸
切忌蕎麥羊肉母猪肉食之急成無醫 回春

疽癖愛喫土炭生米茶葉

宜用四寶丹及
治癖三方諸方

四寶丹

治黃疽病喫生米茶葉黃土黑炭等物。食生
米者麥芽一斤使君子肉二兩檳榔南星薑

製各一兩。食茶葉者茶葉一斤使君子肉二兩

檳榔南星薑製各一兩。食黃土者壁土一斤使

君子肉二兩檳榔南星薑製各一兩。食黑炭者

黑炭一斤使君子肉二兩檳榔南星薑製各一兩

。右為末蜜丸梧子大早

晨砂糖水下五十九丸 回春

一方 治黃疽愛喫茶葉蒼朮白朮各三兩石膏白芍
藥黃芩南星陳皮各一兩薄荷七錢右為末砂

糖水煮神麴作糊和丸梧子大砂

糖水空心吞下五七十九丸 入門

一方 治黃疽喜喫生米白朮一錢半蒼朮一錢三分
白芍藥陳皮神麴麥芽山楂肉白茯苓石膏各

一錢厚朴七分藿香五分甘州三分右剉作入門

一方 通用使君子肉二兩南星薑製檳榔各一兩
喫生米用麥芽一斤炒過○喫茶葉用茶葉一

斤炒過○喫土用壁土一斤炒過○喫炭用黑炭
一斤炒過○右為末蜜丸梧子大空心砂糖水下

五十九
入門

可治不治證

黃疸之病當以十八日為期治之十日已
上宜差反劇為難治仲景○疸而不渴者

可治疸而渴者難治發於陰部其人必嘔發於陽
部其人振寒而發熱仲景○凡黃家候其寸口脉

近掌無脉口鼻冷黑色並不可治麻經○形體如
烟熏直視為心絕環口鵪黑柔汗發黃為脾

絕皆不治明理○黃疸以十八日為期一白以外
入腹喘滿煩渴面黑者入門○脾胃稍實更斷

厚味則可治傷酒色恣口腹者難治入門
○疸病面黑黃作渴腹脹難治醫鑿

單方

凡三十種有酒煮茵陳湯

臘雪水

治黃疸微溫飲之本州

車前艸

最治黃疸搗取汁服之直指

茵陳蒿

主黃疸通身發黃小便赤以水濃煎服生食亦良本州○治酒疸取一兩清酒煎服名酒

煮茵陳湯醫鑿

葛根

解酒疸小便赤澁取一兩水煎服本州

瓜蘆根

主八疸身面黃水煎服之本州

酸漿艸

主黃疸根味絕苦搗取汁飲之多效本州

萱艸根

主酒疸搗取汁飲又嫩苗煮食之本州

王瓜根

治酒疸變成黑疸醫不能治取根搗取汁空心頓服一小升當有黃水隨小便出不效再

服本州

青蒿

治熱黃心痛搗取汁飲之本州

篇蓄

治熱黃搗取汁頓服一小升本州

黃蘗

主黃疸水煎服之本州

梔子

主胃熱食疸水煎飲之本州

小麥苗

治酒疸搗取汁服或煮食之本州

大麥苗

亦主黃疸取汁服本州

鮒魚

主黃疸作臍和五味食之又取鮒者置水中常常看之日一易最效 俗方

鯉魚

治黃疸如鮓魚
法用之俗方

鼈

治酒疸烹熟如常法
作羹食數箇愈種杏

桃根

治黃疸身面如金色取東引桃根一握細切水
二鍾煎至半空心頓服三五日後其黃離離如

薄雲散惟眼最後差可時時飲一
盞清酒則易散忌熱麪猪魚本州

蔓菁子

主急黃黃疸及內黃腹結不通取子搗細和
水服二三錢當瀉出惡物黃水砂石州髮並

出差
本州

甜瓜蒂

治黃疸初發及時氣急黃瓜蒂為末搗兩鼻
中出黃水又取一錢調溫水服得吐黃水便

水差
本州

絲瓜

治積傷酒麪發黃完絲瓜連皮子燒灰為末因
麪得病麪湯調下因酒得病酒調下數服即愈

種杏

水芹

治五種黃病取汁飲之作羹菹或

本州

生蔥

治傷寒發黃目不識人生蔥火煨熟去鱗皮取

酒口噙令病人開目

噴之其眼自明

種杏

苦瓠

去黃疸煎取汁滴鼻

本州

絲蓴

治熱痘作羹作

本州

冬葵

治時行黃病煮汁飲

本州

白烏雞

傷寒發黃胃心昏悶不省灰在須臾白烏雞

項即活

醫鑑

熊膽

療天行黃疸取少許和水服本州

猪糞

治同上取糞漬水取清頓服本州

猪脂

治五疸及胃中有乾屎發黃煎猪脂取三合日三服大便乾尿下乃愈本州

訂正東醫寶鑑雜病篇卷之六